



詩紀目錄

宋一

卷之四
十五

文帝

登景陽樓

北伐

孝武帝

丁督護歌六首

自君之出矣

遊覆舟山

登作樂山

登魯山

濟曲阿後湖

與廬陵王紹別

幸中興堂餞江夏王

詩

拜衡陽文王義季墓

七夕二首

夜聽妓

詠史

初秋

秋夜

四時

望月

北伐

離合

華林都亭曲水聯句

江夏王義恭

豔歌行

遊子移

自君之出矣

登景陽樓

彭城戲馬臺集

溫泉

失題

臨川王義慶

游鼉湖

南平王鑠

三婦豔詩

白紵曲

擬行行重行行

擬明月何皎皎

擬孟冬寒氣至

擬青青河邊草

代收淚就長路

過歷山湛長史草堂

七夕詠牛女

秋歌

王韶之

贈潘綜吳達舉孝廉詩

詠雪離合

何承天

鼓吹饒歌十五首

朱路篇

思悲公篇

雍離篇

戰城南篇

巫山高篇

上陵者篇

將進酒

君馬篇

芳樹篇

有所思篇

雉子游原澤篇

上邪篇

臨高臺篇

遠期篇

石流篇

宋二

卷之四
十六

顏延之

應詔讌曲水作詩

皇太子釋奠會作

三月三日詔宴西池詩

爲皇太子侍宴餞衡陽南平二王應詔詩

從軍行 應詔觀北湖田收

車駕幸京口侍遊蒜山作

車駕幸京口三月三日侍游曲阿後湖作

拜陵廟作 贈王太常

夏夜呈從兄散騎車長沙

直東宮答鄭尚書 和謝監靈運

北使洛 還至梁城作

始安郡還都與張湘州登巴陵城樓作

秋胡詩九首

五君詠五首

阮步兵 嵇中散

劉參軍 阮始平

向常侍

爲織女贈牽牛 歸鴻

除第服 辭難潮溝

侍東耕詩 登景陽樓

謝莊

詩經
目錄
和元日雪花應詔

和元日雪花應詔

七夕夜詠牛女應制

侍宴蒜山

侍東耕

遊豫章西觀洪崖井

自潯陽至都集道里名爲詩

北宅祕園

喜雨

江都平解嚴

從駕頓上

八月侍華林曜靈殿八關齋

懷園引

山夜憂

宋三 卷之四
十七

謝靈運

善哉行

隴西行

日出東南隅行

長歌行

苦寒行

豫章行

相逢行

折楊柳行二首

泰山吟

君子有所思行

悲哉行

會吟行

緩歌行

燕歌行

鞠歌行

順東西門行

上留田行

三月三日侍宴西池

詩

述祖德詩二首

九日從宋公戲馬臺集送孔令

從游京口北固應詔

永初三年七月十六日之郡初發都

鄰里相送至方山 過始寧墅

富春渚

七里瀨

晚出西射堂

登池上樓

遊南亭

游赤石進帆海

登江中孤嶼

登永嘉綠嶂山詩

郡東山望溟海詩

遊嶺門山詩

石室山詩

登上戍石鼓山詩

行田登海口盤嶼山

白石巖下徑行田 齋中讀書

命學士講書

種桑詩

宋四

卷之四

謝靈運

二

初去郡

田南樹園激流植椶

石壁精舍還湖中作

登石門最高頂

石門新營所住四面

高山迴溪石瀨茂林脩竹

於南山往北山經湖中瞻眺

從斤竹澗越嶺溪行

過白岸亭詩

夜宿石門詩

南樓中望所遲客

廬陵王墓下作

還舊園作見顏范二中書

酬從弟惠連

登臨海嶠初發疆中

作與從弟惠連可見羊何共和之

初發石首城

入東道路詩

道路憶山中

入彭蠡湖口

入華子崗是麻源第三谷

發三瀑布望雨溪

初往桐廬口

擬魏太子鄴中集詩八首

魏太子

王粲

陳琳

徐幹

劉楨

應瑒

阮瑀

平原侯植

石壁立招提精舍

過瞿溪山僧

七夕詠牛女

彭城宮中直感歲暮

歲暮

登廬山絕頂望諸嶠

夜發石關亭

答謝惠連

初發入南城

東陽溪中贈答二首

作離合

詩一首

臨終詩

王子晉讚

巖下見一老翁四五少年讚

維摩經十譬讚

聚沫泡合

燄

芭蕉

聚幻

夢

影響合

浮雲

電

宋五

卷之四十九

謝瞻

九日從宋公戲馬臺集送孔令詩

答靈運

於安城答靈運

五章

王撫軍庾西陽集別時為豫章太守庾被

徵還東

張子房詩

謝惠連

秋胡行二首

隴西行

豫章行

塘上行

却東西門行

代悲哉行

燕歌行

猛虎行

鞠歌行

前緩聲歌

三月三日曲水集

汎南湖至石帆

西陵遇風獻康樂

代古

秋懷

擣衣

泛湖歸出樓中望月

七月七日夜詠牛女

喜雨

詠冬

讀書

離合詩二首

夜集作離合

長安有狹邪行

順東西門行

夜集歎乖

與孔曲阿別詩

詠螺蚌

失題

宋六 卷之五

鮑照

採桑

代蒿里行

代挽歌

代東門行

代放歌行

代陳思王京洛篇

代門有車馬客行

代權歌行

代白頭吟

代東武吟

代別鶴操

出自薊北門行

代陸平原君子有所思行

代悲哉行

代陳思王白馬篇

代昇天行

松柏篇

代苦熱行

代朗月行

代堂上歌行

代結客少年場行

扶風歌

代少年時至衰老行

代陽春登荆山行

代貧賤愁苦行

代邊居行

代邽街行

簫史曲

王昭君

吳歌三首

採菱歌七首

幽蘭五首

中興歌十首

代白紵舞歌詞四首

代白紵曲二首

代鳴雁行

擬行路難十八首

梅花落

代淮南王

代雉朝飛

北風涼行

代空城雀

代夜坐吟

代春日行

宋七

卷之五
十一

鮑照二

侍宴覆舟山二首

從拜陵登京峴

蒜山被始興王命作

登廬山二首

從登香爐峯

從庾中郎遊園山石室

登翻車峴

登黃鶴磯

登雲陽九里埭

自礪山東望震澤

三日遊南苑 贈故人馬子喬六首

答客 和王丞

日落望江贈荀丞 秋日示休上人

答休上人 吳興黃浦亭庾中郎

別 與伍侍郎別

送別王宣城 送從弟道秀別

贈傅都曹別 和傅大農與僚故別

送盛侍郎餞候亭 與荀中書別

從過舊宮 從臨海王上荆初發

新渚

還都道中三首 上潯陽還都道中作

還都至三山望石頭城

還都口號 行京口至竹里

發後渚 岐陽守風

發長松遇雪 詠史

蜀四賢詠

宋八 卷之五 十二

鮑照 三

擬古八首

紹古辭七首

學古

古辭

擬青青陵上栢

學劉公幹體五首

擬阮公夜中不能寐

學陶彭澤體

數名詩

建除詩

白雲

臨川王服竟還田里

行藥至城東橋

園中秋散

觀圃人藝植

遇銅山掘黃精

見賣玉器者

懷遠人

夢歸鄉

春羈

歲暮悲

在江陵歎年傷老

夜聽妓二首

翫月城西門廨中

喜雨

苦雨

詠白雪

三日

詠秋

秋夕

秋夜二首

和王護軍秋夕

和王義興七夕

冬至

冬日
望水

望孤石
山行見孤桐

詠雙鷺二首
酒後

講易
可愛

夜聽聲
咏老

春咏
在荊州與張使君李

居士連句
與謝尚書莊三連句

月下登樓連句
字謎三首

贈顧墨曹

宋九
卷之五
十三

謝晦

彭城會詩

謝世基

連句詩
晦續

傅亮

從武帝平閩中
從征

奉迎大駕道路賦詩

冬至

言系
鄭鮮之

行經張子房廟

范泰

經漢高廟

鸞鳥

詠老

范曄

樂游應詔詩

臨終詩

何長瑜

嘲府僚詩

離合詩

荀雍

臨川亭

吳邁遠

飛來雙白鵠

櫂歌行

陽春歌

胡笳曲

長相思

長別離

杞梁妻

楚朝曲

遊廬山觀道士石室

古意贈今人

臨終

孔審子

權歌行

前緩聲歌

袁淑

效子建白馬篇

效古

詠冬至

種蘭

登宣城郡

王微

雜詩二首

四氣

詠愁

王僧達

釋奠詩

答顏延年

和琅琊王依古

七夕月下

朱櫻

王素

學阮步兵體

顏竣

七廟迎神辭

滯思古意

顏師伯

言糸
目錄
自君之出矣

宋十
卷之五
十四

何偃

冉冉孤生竹

荀臬

擬相逢狹路間

擬青青河畔草

江智淵

宣貴妃挽歌

湯惠休

蘇怨詩行

江南思

楊花曲三首

白紵歌二首

蕭秋風

秋思引

楚明妃曲

贈鮑侍郎

孔欣

置酒高樓上

相逢狹路間

越祠太廟

伍緝之

交勞歌二首

表伯文二首

楚妃歎

述山貧

湛茂之

歷山草堂應教

張望

蜡除詩

貧士

蕭璟

貧士詩

徐謏

華林北澗

王叔之

游羅浮山

擬古

伏系之

詠椅桐詩

許瑤

擬自君之出矣

詠柎榴枕

閨婦答隣人

賀道慶

離合詩

沈慶之

侍宴詩

劉侯

詩一首

王歆之

效孫皓爾汝歌

陸凱

贈范曄詩

漁父

答孫緬歌

鮑令暉

擬青青河畔草

擬客從遠方來

代葛沙門妻郭小玉作二首

古意贈今人

題書後贈行人

寄行人

宋十一

卷之五

郊廟歌辭

宋南郊登歌三首 顏延之

夕牲歌

迎送神歌

饗神歌

宋明堂歌九首 謝莊

迎神歌

登歌

歌太祖文皇帝

歌青帝

歌赤帝

歌黃帝

歌白帝

歌黑帝

送神歌

宋宗廟登歌八首 王韶之

北平府君歌

相國掾府君歌

開封府君歌

武原府君歌

東安府君歌

孝皇帝歌

高祖武皇帝歌

七廟享神歌

宋世祖廟歌二首 謝莊

世祖孝武皇帝歌

宣太后歌

宋章廟樂舞歌十五首

肅咸樂 殷淡

引牲樂

嘉慶樂

昭夏樂

永至樂

登歌

章德凱容樂

昭德凱容樂

明帝

宣德凱容樂

嘉胙樂

殷淡

昭夏樂

休成樂

燕射歌辭

宋四箱樂歌五首

王韶之

肆夏樂歌

大會行禮歌

王公上壽歌

殿前登歌

食舉歌

鼓吹曲辭

宋鼓吹饒歌三首

無名氏

上邪曲

晚芝曲

艾如張曲

舞曲歌辭

宋前後舞歌三首

前舞歌

王韶之

後舞歌

白紵舞歌詩

無名氏

宋泰始歌舞曲十二首

皇業頌 明帝

聖祖頌

宋明君大雅 虞歛

通國風 明帝

天符頌

明德頌

帝圖頌

龍躍大雅

淮祥風

宋世大雅 虞歛

治兵大雅 明帝

白紵篇大雅

宋鳳凰銜書伎辭 無名氏

清商曲辭 古辭

吳聲歌曲

碧玉歌六首

華山畿二十五首

讀曲歌八十九首

西曲歌

石城樂 五曲

莫愁樂 一曲

烏夜啼 八曲

襄陽樂 九曲

壽陽樂 九曲

西烏夜飛 五曲

雜歌謠辭

宋人歌

元嘉中魏地童謠

大明中謠

宋時謠

元徽中童謠

童謠

禾絹謠

將士謠

跋扈謠

石城謠

二王謠

詩紀目錄卷之十四

終

詩紀卷之四十五

北海馮惟訥彙編

宋一

文帝

諱義隆武帝第二子先封宜都王徐羨之等廢少帝迎帝入承大統後為元凶劬所

弑

登景陽樓

崇堂臨萬雉層樓跨九成
瑤軒籠翠幌組幙翳雲
屏階上曉露潔林下夕風清
蔓藻嬾綠葉芳蘭媚
紫莖極望周天險留察浹神京
交渠紛綺錯列植

發華英

北伐

季文鑒禍先辛生識機始崇眷

疑作替

非無徵與廢

要有以自昔淪中畿倏焉盈百祀不覩南雲陰但

見胡塵起亂極治方形塗泰由積否方欲除遺氛

矧乃穢邊鄙眷言悼斯民納隍良在已逝將振宏

網一作羅一麾同文軌

孝武帝

諱駿字休龍文帝第三子封武陵王元

凶劭弒逆舉兵誅劭遂即大位在位十一年○詩品曰宋孝武帝詩南平王鑠詩建平王宏詩孝武詩雕文織綵過為精密為二

潘希慕見稱輕巧矣

丁督護歌六首

一曰阿督護宋書樂志曰督護歌者彭

城內史徐達之為魯軒所殺宋高祖使

府內直督護丁昨收殮殯埋之達之妻

高祖長女也呼昨至閣下自問殮送之

事每問輒歎息曰丁督護其聲哀切後

人因其聲廣為曲焉唐書樂志曰丁督

護晉宋間曲也今歌是宋孝武帝所製云

督護北征去前鋒無不平朱門垂高蓋永世揚功

名

洛陽數千里孟津流無極辛苦戎馬間別易會難

言系
卷之一
二
得

督護北征去相送落星墟帆檣如芒櫂督護今何

渠

聞歡去北征相送直瀆浦只有淚可出無復情可

吐

督護初征時儂亦惡聞許願作石尤風四面斷行

旅

黃河流無極洛陽數千里坎軻戎旅間何由見歡

子

樂府作
主金珠

自君之出矣

一云擬室思
玉臺作許瑤

自君之出矣金翠闇無精思君如日月回還晝夜

生

遊覆舟山

束髮好怡衍弱冠頗流薄素想終勿傾聿來果丘

壑層峯亘天維曠緒綿地絡逢臯列神苑遭壇樹

仙閣松燈含青暉荷源煜彤爍川界泳遊鱗巖庭

響鳴鶴

登作樂山

詩已

卷之一
宋

三

脩路軫孤轡竦石頓飛轅遂登千尋首表裏望丘
原屯烟擾風穴積水溺雲根漢潦吐新波楚山帶
舊苑壤草凌故國拱木秀頽垣目極情無留客思
空已繁

登魯山

解帆憩通渚息徒憑椒丘粵值風景和升高從遠
眸紀郢窮西路湘夢極南流杳哉漢陰水浩焉江
界脩

濟曲阿後湖

宵登毗陵路旦過雲陽郭平湖曠津濟菰渚迭明
蕪和風翼歸采夕氛晦山嶠驚瀾翻魚藻頽霞照
桑榆

與廬陵王紹別

連歲矜離心今茲幸良集信宿窮晨暮開顏披所
戢未盡歡娛懷已傷岐路及舳艫引江介飛旌背
爾邑悄擾徒旅戒團欒流景入遲遲分手念泫泫
登路泣

幸中興堂錢江夏王詩

送行悵川逝離酌偶歲陰陰雲掩歡緒江山起別
心

拜衡陽文王義季墓

昧旦憑行軼濡露及山庭投步矜履蹈舉目增淒
清輶路滅歸軫淪闔負重肩深松朝已霧幽隧晏
未明長楊敷晚素宿草披初青哀往起沈泉追愛
慟中情竹帛憑年遠世範隨伏傾

七夕二首

白日傾晚照弦月升初光炫炫葉露滿蕭蕭庭風
揚瞻言媚天漢幽期濟河梁服箱從奔輶紈綺闕
成章解帶遽迴軫誰云秋夜長愛聚雙情款念離
兩心傷

夜聽妓

寒夜起聲管促席引靈寄深心屬悲絃遠情逐流
吹勞襟憑若辰誰謂懷忘易

詠史

聶政憑驍氣荆軻擅美風孤刃駭韓庭獨步震秦
宮懷音豈若始捐軀在命終雄姿列往志流聲固
無窮

初秋

夏盡炎氣微火息涼風生綠草未傾色白露已盈
庭遠視秋雲發近聽寒蟬鳴運移矜物化川上感
餘情

秋夜

局景薄西隅升月照東垂蕭蕭風盈幕泫泫露傾

枝側聞飛壺急坐見河宿移觀辰念節變感物矜
乖離

四時

南史曰孝武狎侮群臣各有稱目柳元
景桓護之雖並比人而王玄謨獨受老
儉之目嘗爲玄
謨作四時詩曰

堇茹供春膳粟漿充夏食胞醬調秋菜白醯解冬
寒

望月

以下二首
文疑闕

褰幕蕩暄氣入夜漸流清微微風始發曖曖月初

明思因往物深悲以歸雲盈

北伐

表裏跨原隰左右御川梁月羽皎素魄皇旗艷赤

光

艷許方切

離合

霏雲起兮汎濫雨靄昏而不消意氣悄以無樂音
塵寂而莫交守邊境以臨敵寸心屬於戎昭閣盈
圖記門滿賓僚仲秋始戒中園初凋池育秋蓮水
滅寒漂旨歸塗以易感日月逝而難要分中心而

誰寄人懷念而必謠

悲客他方字

華林都亭曲水聯句

一云華林園效栢梁體

九宮盛事予旒纒

帝

三輔務根誠難亮

揚州刺史江夏王義

恭策拙粉鄉慙恩望

南徐州刺史竟陵王誕

折衝莫效興民

誇

領軍將軍元景

侍禁衛儲恩喻量

太子右率暢

臣謬叨寵九

流曠

吏部尚書莊

喉脣廢職方思讓

侍中

明筆直繩天

威諒

御史中丞顏師伯

江夏王義恭

武帝桓美人所生也元嘉中為司徒建武三年為太宰後為廢帝所

殺明帝定亂復舊爵邑謚曰文獻

言
卷之一
十
豔歌行

江南遊湘妃窈窕漢濱女淑問流古今蘭音媚鄭
楚瑤顏映長川善服照通滸求思望襄滌歎息對
衡渚中情未相感搔首增企予悲鴻失良匹俯仰
戀儔侶徘徊忘寢食羽翼不能舉傾首佇春鷺爲
我津辭語

遊子移

三河遊蕩子麗顏邁荆寶携持玉柱箏懷挾忘憂
草綢繆甘泉中馳逐邯鄲道春服候時製秋紈迎
涼造珍魄暉素腕玉跡滿襟抱常歎樂日晏恒悲
歡不早揮吹傳舊美趨謹盡新好仲尼爲輟食秦
王足傾倒

自君之出矣

自君之出矣笥錦廢不開思君如清風曉夜長徘
徊

登景陽樓

丹墀設金屏瑤榭陳玉牀温宮冬開燠清殿夏含
霜弱藥布遐馥輕葉振遠芳彌望少無際肆睇周

言終
卷之一
八
華疆象闕對馳道飛廉矚方塘邱寺送暉曜槐柳
自成行通川溢輕艫長街盈方箱顧此爝火微胡
顏厠天光

彭城戲馬臺集

騁驚辭南京弭節憇東楚懿蕃重遐望興言集僚
侶于役未云淹時遷變溽暑眷戀江水流迴首獨
延佇

溫泉

秦都壯溫泉漢京麗湯泉炎德潛遠液暄波起茲

源闕

失題 見初學
泰山部

大明總神武乘時以御天金牒封梁甫玉簡禪岱

山闕

臨川王義慶 長沙景王第二子臨川王道規無
子以義慶為嗣永初元年襲封臨

川王徵為侍中丹陽尹尚書左僕射歷荆江
南兗三州刺史為性簡素寡嗜欲愛好文裁
足為宗
室之表

遊鼉湖

暄景轉諧淑草木日滋長梅花覆樹白桃杏發榮

詩已

卷之一 宋

七

光闕

南平王鏐

字休玄文帝第四子未弱冠擬古三十餘首時人以爲亞迹陸機元兇弒

立以鏐爲侍中及孝武入討鏐歸義最晚常懷憂懼然負才狡競每與兄弟計度藝能屢輕孝武孝武毒殺之

三婦艷詩

大婦裁霧縠中婦牒冰練小婦端清景含歌登玉殿丈人且徘徊臨風傷流霰

白紵曲

僂僂徐動何盈盈玉腕俱凝若雲行佳人舉袖輝

玉臺作耀

青蛾摻摻擢手映鮮羅狀似明月汎雲河體如輕風動流波

擬行行重行行

眇眇陵長道遙遙行遠之迴車背京里

玉臺作邑

揮手

從此辭堂上流塵生庭中綠草滋寒螿翔水曲秋

兔依山基芳年有華月佳人無還期日夕涼風起

對酒長相思悲發江南調憂委子衿詩臥覺明燈

晦坐見輕紈緇淚容不可飾幽鏡難復治

一作持

願

垂薄暮景照妾桑榆時

詩已

宋

言終 卷之一
擬明月何皎皎

落宿半遙城浮雲藹層闕玉宇來清風羅帳延秋
月結思想伊人沈憂懷明發誰爲客行久屢見流
芳歇河廣川無梁山高路難越

擬孟冬寒氣至

白露秋風始秋風明月初明月照高樓露落

一作白露

皎玄除迨及涼風起行見寒林踈客從遠方至贈
我千里書先叙懷舊愛未陳久離居一章意不盡

三復

一作幅

情有餘願遂平生志無使甘言虛

擬青青河邊草

淒淒含露臺蕭蕭迎風館思女御櫺軒哀心

一作聲

徹雲漢端撫悲絃泣獨對明燈歎良人久遙後耿
介終昏旦楚楚秋水歌依依採菱彈

代收淚就長路

聳轡高陵曲揮袂廣川濱黃塵昏白日悲風

一作荒塞

起浮雲蕭條萬里別契濶三秋分時往從朝露年
來驚夕氲徘徊去芳節依遲從遠軍

過歷山湛長史草堂

言新 卷之一
茲嶽蘊虛詭憑覽趣亦贍九峯相接連五渚逆縈
浸層阿疲且引絕巖暢方禁溜衆夏更寒林交晝
常陰伊余久緇涅復得味恬淡願逐安期生於焉
愜高枕

歷山草堂應教

湛茂之

閉戶守玄漠無復車馬跡衰廢歸丘樊歲寒見
松栢身慚睢陽老名忝梁園客習隱非市朝追
常在山澤離離插天樹磊磊間雲石持此怡一
生傷哉駒度隙

七夕詠牛女

秋動清風扇火移炎氣歇廣簷含夜陰高軒通夕
月安步巡芳林傾望極雲闕組幙縈漢陳龍駕凌
霄發誰云長河遙頗覺一作促筵悅沈情未申寫
飛光已飄忽來對眇難期今懽自茲沒

秋歌

藝文無題
在秋部

旻天清且高秋氣發初涼白露下微津明月流素
光凝烟汎城闕淒風入軒房朱華先零落綠草就
芸黃織羅還笥篋輕紈改衣裳

言糸
王韶之

字休泰偉之之子晉義熙中除著作郎復補通直郎領西省事武帝受命加驍騎將軍少帝時出爲吳郡太守徵爲祠部尚書加給事中

贈潘綜吳遠舉孝廉詩

六章

東寶惟金南木有喬發輝曾崖竦幹重霄美哉茲
土世載英髦育翮幽林養音九臯

唐后明敷漢宗蒲輪我皇降鑒思樂懷人羣臣競
薦舊章惟新余亦奚貢曰義與仁

仁義伊在惟吳惟潘心積純孝事著艱難投死如
歸淑問若蘭吳實履仁心力偕單因此苦節易彼

歲寒霜雪雖厚松栢九九

人亦有言無善不彰二子徽猷彌久彌芳拔叢出
類景行朝陽誰謂道遐弘之則光咨爾庶士無然
怠荒

江革奉摯慶祿是荷姜詩入貢漢朝咨嗟勗哉行
人敬爾休嘉俾是下國炤輝京華

伊余朽駘竊服懼盜無能禮樂豈暇聲教順彼康
夷懿德是好聊綴所懷以贈二孝

詠雪離合

言終
卷之一
霰先集兮雪乃零散輝素兮被簷庭曲室寒兮朔

風厲州陸涸兮羣籟鳴

何承天

東海鄉人博通古今尤精曆數仕宋領著作郎官至御史中丞

鼓吹鏡歌十五首

宋書樂志曰鼓吹鏡歌十五篇何承天晉義熙中私造

朱路篇

朱路揚和鸞翠蓋耀金華玄牡飾樊纓流旌拂飛
霞雄戟闢曠塗班劍翼高車三軍且莫喧聽我奏
鏡歌清鞞驚短簫朗鼓節鳴笳人心惟愷豫茲音

亮且和輕風起紅塵淳澗發微波逸韻騰天路頽
響結城阿仁聲被八表威震振九遐嗟嗟介胄士
勗哉念皇家

思悲公篇

思悲公懷衮衣東國何悲公西歸公西歸流二叔
幼主既悟偃禾復偃禾復聖志申營都新邑從斯
民從斯民德惟明制禮作樂興頌聲興頌聲致嘉
祥鳴鳳爰集萬國康萬國康猶弗已握髮吐餐下
羣士惟我君繼伊周親覩盛世復何求

雍離篇

雍士多離心荆民懷怨情二凶不量德構難稱其
兵王人街朝命正辭糾不庭上宰宣九伐萬里舉
長旌樓船掩江濱駟介飛重英歸德戒後夫賈勇
尚先鳴逆徒既不濟愚智亦相傾霜鋒未及染鄢
郢忽已清西川無潛鱗北渚有奔鯨凌威致天府
一戰夷三城江漢被美化宇宙歌太平惟我東郡
民曾是深推誠

戰城南篇

戰城南衝黃塵丹旌電燧鼓雷震勅敵猛戎馬殷
橫陣亘野若屯雲仗大順應三靈義之所感士忘
生長劍擊繁弱鳴飛鏑炫晃亂奔星虎騎躍華旄
旋朱火延起騰飛烟驍雄斬高旗舉長角浮叫響
清天夷羣寇殪逆徒餘黎霑惠詠來蘇奏愷樂歸
皇都班爵獻俘邦國娛

巫山高篇

巫山高三峽峻青壁千尋深谷萬仞崇巖冠靈林
冥冥山禽夜響晨猿相和鳴洪波迅復載逝載停

言終
卷之一
五
悽悽商旅之客懷苦情在昔陽九皇綱微李氏竊
命宣武耀靈威蠢爾逆縱復踐亂機王旅薄伐傳
首來至京師古之爲國惟德是貴力戰而霍民鮮
不顛墜矧乃叛戾伊胡能遂咨爾巴子無放肆

上陵者篇

上陵者相追攀被服纖麗振綺紈携童幼升崇巒
南望城闕鬱盤桓王公第通衢端高薨華屋列朱
軒臨濬谷掇秋蘭士女悠奕映隰原指營丘感牛
山爽鳩旣沒景君歎嗟歲聿逝不還志氣衰沮玄
鬢班野莽宿墳土乾顧此纍纍中心酸生必死亦
何怨取樂今日展情懽

將進酒

將進酒慶三朝備繁禮薦嘉肴榮枯換霜霧交緩
春帶命朋僚車等旗馬齊鑣懷溫克樂林濠士失
志愠情勞思旨酒寄遊遨敗德人甘醇醪耽長夜
惑淫妖興屢舞厲哇謠形傴傴聲號呶首旣濡志
亦荒性命天國家亡嗟後生節酣觴匪酒辜孰爲
殃

言終
卷之一
君馬篇

君馬麗且閑揚鑣騰逸姿駿足躡流景高步追輕
飛冉冉六轡柔奕奕金華暉輕霄翼羽蓋長風靡
淑旂願爲范氏驅雖容步中畿豈效詭遇子馳騁
趣危機鉛陵策良駟造父爲之悲不怨吳坂峻但
恨伯樂稀赦彼岐山盜實濟韓原師柰何漢魏主
縱情營所私疲民甘藜藿廐馬患盈肥人畜督厥
養蒼生將焉歸

芳樹篇

芳樹生北庭豐隆正徘徊翠穎陵冬秀紅葩迎春
開佳人閑幽室惠心婉以諧蘭房掩綺幌綠草被
長階日夕遊雲際歸禽命同棲皓月盈素景涼風
拂中閨哀絃理虛堂要妙清且淒嘯歌流激楚傷
此碩人懷梁塵集丹帷微颺揚羅袿豈怨嘉時暮
徒惜良願乖

有所思篇

有所思思昔人曾閱二子善養親和顏色奉昏晨
至誠烝烝通明神鄒孟軻爲齊卿稱身受祿不貪

言終 卷之一
榮道不用獨擁楹三徙既諄禮義明飛鳥集猛獸
附功成事畢乃更取哀我生邁凶閔幼罹荼酷備
艱辛慈顏絕見無因長懷永思託丘墳

雉子遊原澤篇

雉子遊原澤幼懷耿介心飲啄雖勤苦不願棲園
林古有避世士抗志清霄岑浩然寄卜肆揮棹通
川陰逍遙風塵外散髮撫鳴琴卿相非所矜何況
於千金功名豈不美寵辱亦相尋冰炭結六府憂
虞纏胷襟當世須大度量已不克任三復泉流誠

自警言良已深

上邪篇

上邪下難正衆枉不可矯音和響必清端影緣直
表大化揚仁風齊人猶偃草聖王既已沒誰能弘
至道開春湛柔露代終肅嚴霜承平貴孔孟政弊
侯申商孝公明賞罰六世猶克昌李斯肆濫刑秦
民所以亡漢宣隆中興魏祖寧三方譬彼針與石
效疾而稱良行葦非不厚悠悠何詎央琴瑟時未
調改絃當更張矧乃治天下此要安可忘

臨高臺篇

臨高臺望天衢飄然輕舉陵太虛携列子超帝鄉
雲衣雨帶乘風翔肅龍駕會瑤臺清暉浮景溢蓬
萊濟西海濯洧盤佇立雲岳結幽蘭馳迅風遊炎
州願言桑梓思舊遊傾霄蓋靡電旌降彼天塗頽
窈冥辭仙族歸人羣懷忠抱義奉明君任窮達隨
所遭何爲遠想令心勞

遠期篇

遠期千里客肅駕候良辰近命城郭友具爾惟懿

親高門啓雙闈長筵列嘉賓中唐儻六佾三廂羅
樂人簫管激悲音羽毛揚華文金石響高宇絃歌
動梁塵修標多巧捷丸劍亦入神遷善自雅調成
化由清均主人垂隆慶群士樂亾身願我聖明君
遐期保萬春

石流篇

石上流水湔湔其波發源幽岫永歸長河瞻彼逝
者歲月其偕子在川上惟以增懷嗟我殷憂載勞
寤寐遘此百罹有志不遂行年倏忽長勤是嬰永

言沒世悼茲無成幸遇開泰沐浴嘉運綏帶安寢
亦又何愠古之爲仁自求諸已虛情遙慕終於徒
已

詩紀卷之四十五終

詩紀卷之四十六

宋二

顏延之

字延年琅邪臨沂人性疎淡不護細行而文章冠絕當時初爲宋公豫章世子

參軍及公卽帝位補太子舍人廬陵王待之甚厚執政以其構扇異同因帝崩出爲始安太守文帝元嘉三年徵爲中書侍郎未幾復出守永嘉孝武登阼以爲金紫光祿大夫卒贈特進謚曰憲○詩品曰延之詩其源出於陸機尚巧似體裁綺密情喻淵深動無虛散一句一字皆致意焉又喜用古事彌見拘束雖乖秀逸是經綸文雅才雅才減若人則蹈於困躓矣湯惠休曰謝詩如芙蓉出水顏詩如錯彩鏤金顏終身病之

應詔讌曲水作詩

八章○以下四言

宋畧日文帝元嘉十一年三月丙申禊
飲于樂遊苑且祖道江夏王義恭衡陽

王義季有詔
會者賦詩

道隱未形治彰既亂帝跡懸衡皇流共貫惟王創
物永錫洪筭仁固開周義高登漢

祚融世哲業光列聖太上正位天臨海鏡制以化
裁樹之形性惠浸萌生信及翔泳

崇虛非徵積實莫尚豈伊人和實靈所貺日完其
朔月不掩望航琛越水輦賚踰嶂

帝體麗明儀辰作貳君彼東朝金昭玉粹德有潤

身禮不愆器柔中淵映芳猷蘭秘

昔在文昭今惟武穆於赫王宰方旦居叔有醉獻
蕃爰履奠牧寧極和鈞屏京維服

朏魄雙交月氣參變開榮灑澤舒虹爍電化際無
間皇情爰眷伊思鎬飲每惟洛宴

郊餞有壇君舉有禮幙帷蘭甸畫流高陞分庭薦
樂析波浮醴豫同夏諺事兼出濟

仰閱豐施降惟微物三妨儲隸五塵朝黻途泰命
屯恩充報屈有悔可悛滯瑕難拂

皇太子釋奠會作

九章

宋畧曰文帝元嘉二十三年三月皇太子劭釋奠於國學

國尚師位家崇儒門稟道毓德講藝立言浚明爽
曙達義茲昏永瞻先覺顧惟後昆

大人長物繼天接聖時屯必亨運蒙則正偃閉武
術闡揚文令庶士傾風萬流仰鏡

虞庠飾館睿圖炳粹懷仁憬集抱智麇至踵門陳
書躡屩獻器澡身玄淵宅心道秘

伊昔周儲聿光往記思皇世哲體元作嗣資此夙

知降從經

一作繼

志遏彼前文規周矩值

正殿虛筵司分簡日尚席函丈丞疑奉帙侍言稱
辭惇史秉筆妙識幾微王載有述

肆

五臣作肆

義芳訊大教克明敬躬祀典告奠聖靈禮
屬觀盥樂薦歌笙昭事是肅俎實非馨

獻終襲吉卽宮廣讌堂設象筵庭宿金懸台保兼
徽皇戚比彥肴乾酒澄端服整弁

六官視命九賓相儀纓笏帟序巾卷充街都莊雲
動野馘風馳倫周伍漢超哉邈猗

清暉在天容光必照物任其情理宣其奧妄先國
胄側聞邦教徒愧微冥終謝智效

三月三日詔宴西池詩

河岳曜圖聖時利見於赫有皇升中納禪載貞其
恒載通其變大哉人文至矣天睠昭哉儲德靈慶
攸繁明兩紫宸景物乾元帝宗菴藹惟城惟蕃交
衣善職彤弓受言飾館春宮稅鑣青輅長筵逶迤
浮觴泔泝

爲皇太子侍宴餞衡陽南平二王應詔詩

大儀在御皇聖居貞旁緝民紀仰緯天經物資感
變神以瑞形川無遁寶山不闕靈亦旣戒裝皇心
載遠夕悵亭臯晨儀禁苑神行景鶩發自靈閫對
宴感分瞻秋悼晚

從軍行

以下
五言

苦哉遠征人畢力幹時艱秦初畧揚越漢世爭陰
山地廣旁無界岳阿上虧天嶠霧下高鳥冰沙固
流川秋飈冬未至春液夏不涓閩蜂指荆吳胡埃
屬幽燕橫海咸飛驪絕漠皆控弦馳檄發章表軍

書交塞邊接鏑赴陣首卷甲起行前羽驛馳無紀
旌旗晝夜懸臥伺金析響起候亭燧烟逝矣遠征
人惜哉私自憐

應詔觀北湖田收

集曰元嘉十年也

周御窮轍跡夏載歷山川蓄軫豈明懋善遊皆聖
仙帝暉膺順動清蹕巡廣塵樓觀眺豐穎金駕映
松山飛奔互流綴緹殼代迴環神行埒浮景爭光
溢中天開冬眷徂物殘悴盈化先陽陸團精氣陰
谷曳寒煙攢素旣森藹積翠亦葱芊息響報嘉歲
通急戒無年温渥浹輿隸和惠屬後筵觀風久有
作陳詩愧未妍疲弱謝陵遽取累非纏牽

車駕幸京口侍遊蒜山作

集曰元嘉二十六年作

元天高北列日觀臨東溟入河起陽峽踐華因削
成巖險去漢宇襟衛徙吳京流池自化造山關固
神營園縣極方望邑社總地靈宅道炳星緯誕曜
應辰明睿思纏故里巡駕巾舊坳陟峯騰輦路尋
雲抗瑤薨春江壯風濤蘭野茂萸英宣遊弘下濟
窮遠凝聖情嶽濱有和會祥習在卜征周南悲昔

老留滯感遺氓空食疲廊肆反稅事巖耕

車駕幸京口三月三日侍遊曲阿後湖作

集日元嘉二
十六年也

虞風載帝狩夏諺頌王遊春方動宸駕望幸傾五
州山祗蹕嶠路水若警滄流神御出瑤軫天儀降
藻舟萬軸胤行衛千翼汎飛浮彫雲麗璇蓋祥飈
被綵旂江南進荆豔河激獻趙謳金練照海浦笳
鼓震溟洲藐眄靚青崖衍漾觀綠疇民靈騫都野
鱗翰聳淵丘德禮旣普洽川嶽徧懷柔

拜陵廟作

周德恭明祀漢道遵光靈哀敬隆祖廟崇樹加園
瑩逮事休命始投跡階王庭陪廁迴天顧朝讌流
聖情早服身義重晚達生戒輕否來王澤竭泰往
人悔形勅躬慙積素復與昌運并恩合非漸漬榮
會在逢迎夙御嚴清制朝駕守禁城束紳入西寢
伏軫出東垆衣冠終冥漠陵邑轉葱青松風遵路
急山烟冒壠生皇心憑容物民思被歌聲萬紀載
絃吹千歲託旒旌未殊帝世遠已同淪化萌幼壯

困孤介末暮謝幽貞發軌喪夷易歸軫慎崎傾

贈王太常

王僧達詩別見

玉水記方流璇源載圓折蓄寶每希聲雖秘猶彰

徹聆龍睒

音砌

九淵聞鳳窺丹穴歷聽豈多士巋然

覲時哲舒文廣國華敷言遠朝列

五臣作烈

德輝灼邦

懋芳風被鄉耆側同幽人居郊扉長晝閉林間時

晏開亟廻長者轍庭昏見野陰山明望松雪靜惟

浹群化徂生入窮節豫往誠歡歇悲來非樂闕屬

美謝繁翰遙懷具短札

夏夜呈從兄散騎車長沙

炎天方埃鬱暑晏闕塵紛獨靜闕偶坐臨堂對星
分側聽風薄木遙睇月開雲夜蟬當夏急陰蟲先
秋聞歲候初過半荃蕙豈久芬屏居惻物變慕類
抱情殷九逝非空思七襄無成文

直東宮答鄭尚書

皇居體環極設險祇天工兩闡阻通軌對禁限清
風跂予旅東館徒歌屬南墉寢興鬱無已起觀辰
漢中流雲藹青闌皓月鑒丹宮踟躕清防密徙倚

恒漏窮君子吐芳訊感物惻余衷惜無丘園秀景
行彼高松知言有誠貫美價難克充何以銘嘉貺
言樹絲與桐貫一作實

和謝監靈運

弱植慕端操窘步懼先迷寡立非擇方刻意藉窮
棲伊昔邁多幸秉筆侍兩閨初學記作閨雖慙丹腹施
未謂玄素睽徒遭良時詖王道奄昏霾人神幽明
絕朋好雲雨乖弔屈汀洲浦謁帝蒼山蹊倚巖聽
緒風攀林結畱萸歧予間衡嶠曷月瞻秦稽皇聖

昭天德豐澤振沈泥惜無雀雉化何用允海淮去
國還故里幽門樹蓬藜采茨葺昔宇翦棘開舊畦
物謝時旣晏年往志不偕親仁敷情昵興玩善作賦
寃辭悽芬馥歇蘭若清越奪琳珪盡言非報章聊
用布所懷

北使洛

沈約宋書曰延之爲豫章世子中軍行參軍義熙十二年高祖北伐有宋公之授府遣一使慶殊命參起居延之至洛陽道中作詩一首文辭藻麗爲謝晦傳亮所賞

言終 卷之二
改服飭徒旅首路跼險艱振楫發吳洲秣馬陵楚
山塗出梁宋郊道由周鄭間前登陽城路日夕望
三川在昔輟期運經始闕聖賢伊瀲絕津濟臺館
無尺椽宮陛多巢穴城闌生雲煙王猷升八表嗟
行方暮年陰風振涼野飛雲脅窮天臨塗未及引
置酒慘無言隱憫徒御悲威遲良馬煩遊役去芳
時歸來屢徂讐蓬心旣已矣飛薄殊亦然

還至梁城作

眇默軌路長憔悴征戍勤昔邁先祖師今來後歸
軍振策睠東路傾側不及羣息徒顧將夕極望梁
陳分故國多喬木空城凝寒雲丘隴填郭郭銘誌
滅無文木石局幽闔黍苗延高墳惟彼雍門子吁
嗟孟嘗君愚賤同埋滅尊貴誰獨聞曷爲久游客
憂念坐自殷

始安郡還都與張湘州登巴陵城樓作

江漢分楚望衡巫奠南服三湘淪洞庭七澤藹荆
牧經塗延舊軌登闔訪川陸水國周地險河山信
重複却倚雲夢林前瞻京一作荆臺園清芬霽岳陽

會暉薄瀾澳悽矣自遠風傷哉千里目萬古陳往
還百代勞起伏存沒竟何人炯介在明淑請從上
世人歸來藝桑竹

秋胡詩九首

樂府作
秋胡行

倚梧傾高鳳寒谷待鳴律影響豈不懷自遠每相
匹婉彼幽閑女作嬪君子室峻節貫秋霜明艷俾
朝日嘉運旣我從欣願自此畢

燕居未及好

五臣
作歡

良人顧有違脫巾千里外結綬

登王畿戒徒在昧旦左右來相依驅車出郊郭行

路正威遲存爲久離別沒爲長不歸

嗟余怨行役三陟窮晨暮嚴駕越風寒解鞍犯霜

露原隰多悲涼迴飈卷高樹離獸起荒蹊驚鳥縱

橫去悲哉遊宦子勞此山川路

超搖行人遠宛轉年運徂良時

五臣
作人

爲此別日月

方向除孰知寒暑積俛俛見榮枯歲暮臨空房涼
風起坐隅寢興日已寒白露生庭蕪

勤役從歸願反路遵山河昔辭秋未素今也歲載

華蠶月歡

一作
觀

時暇桑野多經過佳人從所務窈

詠
卷之二
窈援高柯傾城誰不顧弭節停中阿

年往誠思勞路遠濶音形雖爲五載別相與昧平生捨車遵往路鳧藻馳目成南金豈不重聊自意所輕義心多苦調密比金玉聲

高節難久淹竭來空復辭遲遲前途盡依依造門基上堂拜嘉慶入室問何之日暮行來選作歸物

色桑榆時美人望昏至慙歎前相持

有懷誰能已聊用申苦難補註作艱離居殊年載一別

阻河關春來無時豫秋至恒早寒明發動愁心閨

中起長歎慘悽歲方晏日落遊子顏

高張生絕絃聲急由調起自昔枉光塵結言固終

始如何久爲別百行誓善作愆諸已君子失明義誰

與偕沒齒愧彼行露詩甘之長川汜

五君詠五首

阮步兵

阮公雖淪跡識密鑿亦洞沈醉似埋照寓辭類託諷長嘯若懷人越禮自驚衆物故不可論途窮能無慟

嵇中散

中散不偶世本自餐霞人形解驗默仙吐論知凝
神立俗迂流議尋山洽隱淪鸞翮有時鍛龍性誰
能馴

劉參軍

劉伶善閉關懷情滅聞見鼓鍾不足歡榮色豈能
眩韜精日沈飲誰知非荒宴頌酒雖短章深裏自
此見

阮始平

仲容青雲器實稟生民秀達音何用深識微在金
奏郭奕已心醉山公非虛覲屢薦不入官一麾乃
出守

向常侍

向秀甘淡薄深心託毫素探道好淵玄觀書鄙章
句交呂旣鴻軒攀嵇亦鳳舉流連河裏遊惻愴山
陽賦

爲織女贈牽牛

婺女儷經星姮娥棲飛月慙無二媛靈託身侍天

言終 卷之二
三
闕闐闐殊未暉咸池豈沐髮漢陰不夕張長河爲

誰越

歲時作誰是越

雖有促讌期方須涼風發虛計雙曜

周空遲三星沒非怨杼軸勞但念芳菲歇

歸鴻

味且濡和風霑露踐朝暉萬有皆同春鴻雁獨辭
歸相鳴去澗汜長引發江畿曠潔登雲侶連綿千
里飛長懷河朔路緬與湘漢違

除弟服

徂沒離二秋掩泣備三冬往辰緬難紀來筭忽易

窮升沒淹朞晦洒掃易禮容縞衣變余體長逝歸
爾躬

辭難潮溝

徘徊眷郊甸俛仰引單襟一塗苟不豫百慮畢來
侵永懷交在昔有願誓瑟琴寫言勞者事將用慰
亡簪

侍東耕詩

題封經地域辰角麗天節浮藹起青壇沈腴發紺
耦草服薦同穗黃冠獻嘉壽

闕

言系
卷之二
登景陽樓

詩彙作表
淑者非

風觀要春景月榭迎秋光
泐波被華若隨山茂貞

芳

闕

謝莊

字希逸弘微之子仕文帝時為隨王誕記
室遷太子中庶子孝武立除侍中歷吏部

都官尚書左衛將軍加給事中又領參軍將
軍明帝時加金紫光祿大夫卒○詩品曰希
逸詩氣候清雅不逮於王袁
然與屬間長良無鄙促矣

丞齋應詔

以下
五言

霜露凝宸感肅優動天引西郊滅湮揜

一作湮揜

東溟

起昭晉舞風泛龍常輪霞浮玉軻紫階協笙鏞金

途展應棟方見六詩和永聞九德潤觀生識幸渥

睇服慙輜

一作輜
輜一作恪

和元日雪花應詔

從候昭神世息燧應頌道玄化盡天秘凝功畢地
寶笙鏞流七始玉息承三造委霰下璇蕤疊雪翻
瓊藻積曙境寓明聯萼千里杲掩映順雲懸搖裔
從風掃發貺燭任前騰瑞光圖表澤厚見身未恩
踰悟生眇竦誠岱駕肅側志梁鑿矯

七夕夜詠牛女應制

輟機起春暮停箱動秋衿璇居

歲時雜詠作車

照漢右芝

駕肅河陰容裔泛星道逶迤濟烟潯陸離迎宵佩
倏爍望昏簪俱傾環氣怨共歇泱年心珠殿釭未

沫瑤庭路已深夕

歲時作夜

清豈淹拂弦輝無久臨

侍宴蒜山

此二首疑亦闕文

龍旌拂紆景鳳蓋起流雲轉蕙方因委層華正氛
氲烟竟山郊遠霧罷江天分調石飛延露裁金起
承雲

侍東耕

肅鑣奉晨發恭帶厠朝聞仙鄉降朱靄神郊起青
雲陰臺承寒彩陽樹迎初薰觀德欣臨藉瞻道樂
遊汾

遊豫章西觀洪崖井

幽願平生積野好歲月彌捨簪神區外整褐靈鄉
垂林遠炎天隔山深白日虧遊陰騰鵠嶺飛清起
鳳池隱曖松霞被容與澗烟移將遂丘中性結駕
終在斯

自潯陽至都集道里名爲詩

山經亟旋覽水牒勅敷尋稽榭誠淹留烟臺信遐
臨翔州疑寒氣秋浦結清陰眇眇高湖曠遙遙南
陵深青溪如委黛黃沙似舒金觀道雷池側訪德
茅堂陰魯顯闕微迹秦梁滅芳音訊遠博望崖採
賦梁山岑崇館非陳宇茂苑豈舊林

北宅祕園

夕天霽晚氣輕霞澄暮陰微風清幽幌餘日照青
林收光漸窻歇窮園自荒深綠池翻素景秋懷響
寒音伊人儻同愛絃酒共棲尋

喜雨

以下四首關文

燕起知風舞礎潤識雲流冽泉承夜湛零雨望晨
浮合穎行盛茂分穗方盈疇

江都平解嚴

肅旗簡廟律聳鉞暢乾靈朝晏推物泰通渥抃身
寧擊轅歌至世撫壤頌惟馨

從駕頓上

中權臨楚路前茅望吳雲冀馬依風蹠邊簫當夜
聞

八月侍華林曜靈殿八關齋

玉桴乘夕遠金枝終夜舒澄淳玄化闡希微寂理
孚

懷園引

以下
雜言

鴻飛從萬里飛飛河岱起辛勤越霜霧聯翩遡江
汜去舊國違舊鄉舊海悠且長迴首瞻東路延翩
向秋方登楚都入楚關楚地蕭瑟楚山寒歲去冰
未已春來雁不還風肅幌兮露濡庭漢水初綠柳
葉青朱光靄靄雲英英離禽啾啾又晨鳴菊有秀

兮松有蕤憂來年去容髮衰流陰逝景不可追臨
堂危坐悵欲悲試託意兮向芳蓀心綿綿兮屬荒
樊想綠蘋兮旣冒沼念幽蘭兮已盈門天桃晨暮
發春鶯旦夕喧青苔蕪石路宿草塵蓬門

山夜憂

庭光盡山明歸流風乘軒卷明月緣河飛澗鳥鳴
兮夜蟬清橘露靡兮蕙烟輕凌別浦兮值泉躍經
喬木兮遇猿驚南臯別鶴行佇漢東鄰孤管入青
天沈疴白髮共急日朝露過隙詎賒年年旣去兮

詩紀卷之二
髮不還金膏玉液豈留顏迴舫拓繩戶收棹掩荆關

詩紀卷之四十六終

詩紀卷之四十七

宋三

謝靈運

陳郡陽夏人以祖父竝葬始寧縣遂移籍會稽晉孝武時襲封康樂公累遷黃

門侍郎時宋公位相國以為從事中郎遷世子左衛率及宋受禪降爵為侯起為散騎常侍轉太子左衛率武帝崩出為永嘉太守在郡辭歸始寧文帝登祚徵為秘書監遷侍中未幾復稱疾歸好尋山陟險會稽太守孟覲表其有異志帝惜其才受臨川內史復為有司所糾徙廣州尋以事詔就廣州棄市年四十九○詩品曰靈運詩其源出於陳思雜有景陽之體故尚巧似而逸蕩過之頗以繁蕪為累嶠謂若人興多才高寓目輒書內無乏思外無遺物其繁富宜哉然名章迴句處處間起麗典新聲絡繹奔會譬猶青松之拔灌

詩紀

卷之三 宋

本白玉之映塵沙
未足貶其高潔也

樂府

康樂樂府多闕文
姑從茂倩舊次

善哉行

以下
四言

陽谷躍升虞淵引落景曜東隅
晚西薄三春燠
敷九秋蕭索涼來溫謝寒往暑
却居德斯願積善
嬉謔陰灌陽叢凋華墮萼歡去
易慘悲至難鑠擊
節樂府作
激涕當歌對酒當酌鄙哉愚人
戚戚懷瘼善
哉達士滔滔處樂

隴西行

昔在老子至一作
至理成篇柱小傾大綆短絕
泉鳥
之栖遊林檀是閑韶樂牢膳豈
伊攸便胡為乖枉
從表方圓耿耿僚志慊慊丘園
善歌以詠言理成

篇

日出東南隅行

以下
五言

栢梁冠南山桂宮燿北泉晨風
拂檐幌朝日照闈
軒美人臥屏席懷蘭秀瑤璠皎
潔秋松氣淑德春

景暄

闕

長歌行

言終 卷之三
倏爍夕星流，昱奕朝露團。粲粲烏有停，泫泫豈暫安。
徂齡速飛電，頽節驚驚湍。覽物起悲緒，顧已識憂端。
朽貌改鮮色，悴容變柔顏。變改苟催促，容色烏盤桓。
疊疊衰期迫，靡靡壯志闌。旣慙臧孫慨，復愧楊子歎。
寸陰果有逝，尺素竟無觀。幸賒道念戚，且取長歌歡。

苦寒行

二見

歲歲層冰合，紛紛霰雪落。浮陽滅清暉，寒禽叫悲壑。
饑饉煙不興，渴汲水枯涸。初學又載四句云：蘇無風飲鑿冰煮朝

食悲矣采薇唱苦哉有餘酸

豫章行

短生旅長世，恒覺白日歎。覽鏡睨頽容，華顏豈久期。
苟無迴戈術，坐觀落嶮岷。闕

相逢行

樂府作惠連今從藝文作靈運

行行卽長道，道長息班草。邂逅賞心人，與我傾懷抱。
夷世信難值，憂來傷人平生不可保。陽華與春渥，陰柯長秋稿。
心慨榮去速，情苦憂來早日華。難久居，憂來傷人諄諄亦至老。
親黨近，卹庇昵。

詩經 卷之三
君不常好九族悲素霰三良怨黃鳥邇朱白卽頰
憂來傷人近縞潔必造 水流理就濕火炎同歸
燥賞契少能諧斷金斷可寶千計莫適從憂來傷
人萬端信紛繞 巢林宜擇木結友使心曉心曉
形迹畧畧邇誰能了相逢旣若舊憂來傷人片言
代紵縞

折楊柳行二首

鬱鬱河邊樹青青野田草舍我故鄉客將適萬里
道妻妾牽衣袂淚沾懷抱還拊幼童子顧托兄

與嫂辭訣未及終嚴駕一何早負笻引文舟饑渴
常不飽誰令爾貧賤咨嗟何所道

騷屑出穴風揮霍見日雪颼颼無久搖皎皎幾時
潔未覺泮春冰已復謝秋節空對尺素遷獨視寸
陰滅否桑未易繫泰茅難重拔桑茅迭生運語默
寄前哲

泰山吟

岱宗秀維岳崔嵬刺雲天岸嶠旣嶮巖觸石輒羊
綿

樂府作
千眠

登封瘞崇壇降禪藏肅然石間何曉藹

明堂祕靈篇

君子有所思行

總駕越鍾陵還顧望京畿躑躅周名都遊目倦

一作

眷忘歸市廛無阨

一作夾

室世族有高闈密親麗華

苑軒薨飭通達孰是金張樂諒由燕趙詩長夜恣

酣飲窮年弄音徽盛往速露墜衰來疾風飛餘生

不歡娛何以竟暮歸寂寥曲肱子瓢飲療朝饑所

秉自天性貧富豈相譏

悲哉行

陸士衡集亦載此詩誤也陸別有一首

萋萋春草生王孫遊有情差池鷺始飛夭裊桃

一作

柳始榮灼灼桃悅色飛飛燕弄聲檐上雲結陰澗

下風吹清幽樹雖改觀終始在初生松蔦歡蔓延

樛葛欣蘩縈眇然遊宦子晤言時未并鼻感改朔

氣眼

一作心

傷變節榮佗僚豈徒然澶

一作緬

漫絕音

形風來不可託鳥去豈為聽

會吟行

六引緩清唱三調佇繁音列筵皆靜寂咸共聆會

吟會吟自有初請從文命敷敷績壺冀始刊木至

江汜列宿炳天文負海橫地理連峰競千仞背流
 各百里漉池漑稷稻輕雲暖松杞兩京愧佳麗三
 都豈能似層臺指中天高墉積崇雉飛燕躍廣途
 鷓首戲清沚肆呈窈窕容五臣作客路曜嬖娟子自來
 彌世一作年代賢達不可紀勾踐善廢興越叟識行
 止范蠡出江湖梅福入城市東方就旅逸梁鴻去
 桑梓牽綴書土風辭殫意未已

緩歌行

飛客結靈友凌空萃丹丘習習和風起采采彤雲

浮

一作流

娥皇發湘浦霄明出河洲宛宛連螭轡裔

裔振龍旒一作關

一作關

燕歌行

七言

孟冬初寒節氣成悲風入閨霜依庭秋蟬噪柳燕
 辭樂府作棲楹念君行役怨邊城君何崎嶇久徂征豈
 無膏沐感鶴鳴對君不樂淚沾纓關窓開幌弄秦
 箏調絃促柱多哀聲遙夜明月鑿帷屏誰知河漢
 淺且清展轉思服悲明星

鞠歌行

以下雜言

詩經 卷之三
德不孤兮必有鄰唱和之契冥相因譬如虬虎兮
來風雲亦如形聲影響陳心歡賞兮歲易淪隱玉
藏彩疇識真叔牙顯夷吾親郢既歿匠寢斤覽古
籍信伊人永言知己感良辰

順東西門行

出西門眺雲間揮斤扶木墜虞泉信道人鑿徂川
思樂暫捨誓不旋閔九九傷牛山宿心載違徒昔
言競落運務頽年招命儕好相追牽酌芳醑奏繁
會情固然

上畱田行

薄遊出彼東道上畱田薄遊出彼東道上畱田循
聽一何轟轟上畱田澄川一何皎皎上畱田悠哉
邊矣征夫上畱田悠哉邊矣征夫上畱田兩服上
阪電遊彙作雷逝上畱田舫舟下遊颺驅上畱田此別

既久無適上畱田此別既久無適上畱田寸心繫
在萬里上畱田尺素遵此千夕上畱田秋冬迭相
去就上畱田秋冬迭相去就上畱田素雪紛紛鶴
委上畱田清風颺颺入袖上畱田歲云暮矣增憂

上留田歲云暮矣增憂上留田誠知運來詎抑上留田熟視年往莫留上留田

詩

三月三日侍宴西池詩

四言

詳觀記牒鴻荒莫傳降及雲鳥日聖則天虞承唐命周襲商艱江之永矣皇心惟眷矧乃暮春時物芳衍濫觴逶迤周流蘭殿禮備朝容樂闋夕宴

述祖德詩二首

以下五言

序曰大元中王父龕定淮南負荷世業專主隆

人逮賢相徂謝君子道消拂衣蕃岳考卜東山事同樂生之時志期范蠡之舉

達人貴自我高情屬天雲兼抱濟物性而不纓垢

氛段生蕃

通作藩

魏國展季救魯人絃高犒暗

舊作晉誤

師仲連卻秦軍臨組乍不緹對珪寧肯分惠物辭

所賞勵志故絕人茗茗歷千載遙遙播清塵清塵

竟誰嗣明哲垂

選作時

經綸委講綴

當作輟

道論改服

康世屯屯難既云康尊主隆斯民

中原昔喪亂喪亂豈解已崩騰永嘉末逼迫太元

始河外無反正江介有蹙圯萬邦咸震懾橫流賴
君子拯溺由道情龕暴資神理秦趙欣來蘇燕魏
遲文軌賢相謝世運遠圖因事止高揖七州外拂
衣五湖裏隨山疏濬潭傍巖藝枌梓遺情捨塵物
貞觀丘壑美

九日從宋公戲馬臺集送孔令

季秋邊朔苦旅鴈違霜雪淒淒陽卉腓皎皎寒潭
絜同潔良辰感聖心雲旗興暮節鳴葭戾朱宮蘭卮
獻時哲餞宴光有孚和樂隆所缺在宥天下理吹

萬羣方悅歸客遂海隅脫冠謝朝列弭棹薄枉渚
指景待樂闋河流有急瀾浮驟無緩轍豈伊川途
念宿心愧將別彼美丘園道喟焉傷薄劣

從遊京口北固應詔

玉璽戒誠信黃屋示崇高事爲名教用道以神理
超昔聞汾水遊今見塵外鑣鳴笳發春渚稅鑾登
山椒張組眺倒景列筵矚歸潮遠巖映蘭薄白日
麗江臯原隰萋綠柳墟囿散紅桃皇心美陽澤萬
象咸光昭顧已枉維絜撫志慙塲苗工拙各所宜

終以反林巢曾是縈舊想覽物奏長謠

永初三年七月十六日之郡初發都

述職期闌暑理棹變金素秋岸澄夕陰火旻團朝
露辛苦誰爲情遊子值頽暮愛似莊念昔久敬曾
存故如何懷土心持此謝遠度李牧愧長袖卻克
慙躡步良時不見遺醜狀不成惡曰余亦支離依
方早有慕生幸休明世親蒙英達顧空班趙氏璧
徒乖魏王瓠從來漸二紀始得傍歸路將窮山海
迹永絕賞心悟

隣里相送至方山

祇役出皇邑相期憇甌越解纜及流潮懷舊不能
發析析就衰林皎皎明秋月含情易爲盈遇物難
可歇積病謝生慮寡慾罕所闕資此永幽棲豈伊
年歲別各勉日新志音塵慰寂蔑

過始寧墅

束髮懷耿介逐物遂推遷違志似如昨二紀及茲
年緇磷謝清曠疲薊慙貞堅拙疾相倚薄還得靜
者便剖竹守滄海枉帆過舊山山行窮登頓水涉

言
卷之三
盡洄泐巖峭嶺稠疊洲縈渚連綿白雲抱幽石綠
篠媚清漣葺宇臨迴江築觀基曾巔揮手告鄉曲
二載期歸旋且爲樹枌檟無令孤願言

富春渚

宵濟漁浦潭旦及富春郭定山緬雲霧赤亭無淹
薄遡流觸驚急臨圻阻參錯亮乏伯昏分險過呂
梁壑游至宜便習兼山貴止託平生協幽期淪躓
困微弱久露干祿請始果遠遊諾宿心漸申寫萬
事俱零落懷抱旣昭曠外物徒龍蠖

七里瀨

羈心積秋晨晨積展遊眺孤客傷逝湍徒旅苦奔
峭石淺水潺湲日落山照曜荒林紛沃若哀禽相
叫嘯遭物悼遷斥存期得要妙旣秉上皇心五臣
作情
豈屑末代誚目覩嚴子瀨想屬任公釣誰謂古今
殊異代可同調

晚出西射堂

步出西城集作掖門遙望城西岑連障疊巘嶠青翠
杳深沈曉霜楓葉丹夕曛嵐氣陰節往感不淺感

言
卷之三
十一
來念已深羈雌戀舊侶迷鳥懷故林含情尚勞愛
如何離賞心撫鏡華緇鬢攬帶緩促衿安排徒空
言幽獨賴鳴琴

登池上樓

潛虬媚幽姿飛鴻響遠音薄霄愧雲浮棲川怍淵
沈進德智所拙退耕力不任狗祿反窮海臥病對
空林衾枕昧節候寒開暫窺臨傾耳聆波瀾舉目
眺嶇嶽初景革緒風新陽改故陰池塘生春草園
柳變鳴禽祁祁傷幽歌萋萋感楚吟索居易永久
離羣難處心持操豈獨古無悶徵在今

遊南亭

時竟夕澄霽雲歸日西馳密林含餘清遠峰隱半
規久痲昏墊苦旅館眺效岐澤蘭漸被徑芙蓉始
發池未厭青春好已觀朱明移戚戚感物歎星星
白髮垂藥餌情所止衰疾忽在斯逝將候秋水息
景偃舊崖我志誰與亮賞心惟良知

遊赤石進帆海

首夏猶清和芳草亦未歇水宿淹晨暮陰霞屢興

言
卷之三
沒周覽倦瀛壖況乃凌窮髮川后時安流天吳靜
不發揚帆採石華掛席拾海月溟漲無端倪虛舟
有超越仲連輕齊組子牟眷魏闕矜名道不足適
已物可忽請附任公言終然謝天伐

登江中孤嶼

江南倦歷覽江北曠周旋懷新道轉迴尋異景不
延亂流趨正絕五臣作孤嶼媚中川雲日相輝映
空水共澄鮮表靈物莫賞蘊真誰爲傳想像崑山
姿緬邈區中緣始信安期術得盡養生年

登永嘉綠嶂山詩

裹糧杖輕策懷遲上幽室行源逕轉遠距陸情未
畢澹漱結寒姿團欒潤霜質澗委水屢迷林迴巖
逾密眷西謂初月顧東疑落日踐一作殘夕奄昏曙
蔽翳皆周悉蠱上貴不事履二美貞吉幽人常坦
步高尚邈難匹願阿竟何端寂寂寄抱一恬如旣
已交繕性自此出

郡東山望溟海詩

一作東山望海

開春獻初歲白日出悠悠蕩志將愉樂瞰海庶忘

憂策馬步蘭臯縹控息椒丘采蕙遵大薄寒若履
長洲白花皜陽林紫薑一作翹擘春流非徒不弭忘
覽物情彌適萱蘇始無慰寂寞終可求

遊嶺門山詩

西京誰修政龔汲稱良吏君子豈定所清塵慮不
嗣早蒞建德鄉民懷虞芮意海岸常寥寥空館盈
清思協以上冬月晨遊肆所喜千圻邈不同萬嶺
狀皆異威摧三山峭滌汨兩江駛漁舟一作商豈安
流樵拾謝西芑人生誰云樂貴不屈所志

石室山詩

清旦索幽異放舟越坳郊苒苒蘭渚急藐藐苔嶺
高石室冠林陬飛泉發山椒虛泛徑千載崢嶸非
一朝鄉村絕聞見樵蘇限風霄微戎無遠覽總筭
羨升喬靈域久韜隱如與心賞交合歡不容言摘
芳弄寒條

登上戍石鼓山詩

旅人心長久憂憂自相接故鄉路遙遠川陸不可
涉汨汨莫與娛發春托登躡歡願既無並戚慮庶

有協

法一作

極目睠左濶迴顧眺右狹日未濶增波

雲生嶺逾疊白芷競新苔綠蘋齊初葉摘芳芳靡
諼愉樂樂不燮佳期緬無像騁望誰云愜

行田登海口盤嶼山

羈苦孰云慰觀海藉朝風莫辨洪波極誰知大壑
東依稀採菱歌彷彿含嚙容遨遊碧沙渚遊衍丹
山峯

白石巖下徑行田

小邑居易貧災年民無生知淺懼不周愛深憂在

情舊業橫海外蕪穢積頽齡饑饉不可久甘心務
經營千頃帶遠堤萬里瀉長汀洲流洶澮合連統
塍埒并雖非楚宮化荒闕亦黎萌雖非鄭白渠每
歲望東京天鑒儻不孤來茲驗微誠

齋中讀書

昔余遊京華未嘗廢丘壑矧乃歸山川心跡雙寂
寞虛館絕諍訟空庭來鳥雀臥疾豐暇豫翰墨時
間作懷抱觀古今寢食展戲謔旣笑沮溺苦又哂
子雲閣執戟亦以疲耕稼豈云樂萬事難並歡達

生幸可託

命學士講書

臥病同淮陽宰邑曠武城絃歌愧言子清淨謝伏
生古人不可攀何以報恩榮時往歲易周聿來政
無成曾是展予心招學講羣經鑠金旣云刃凝土
亦能型望爾志尚隆遠嗣竹箭聲敢謂荀氏訓且
布一作蘭陵情待罪豈久期禮樂俟賢明

種桑詩

詩人陳條柯亦有美攘剔前修爲誰故後事資紡
績常佩知方誠愧微富教益浮陽鶩嘉月藝桑迨
閒隙踈欄發近郭長行達廣場曠流始苾泉涸塗
猶跬跡俾此將長成慰我海外役

彭
生伊

詩紀卷之四十七

終

詩紀

卷之三

宋

六

生古

無

亦

開竄東關發沙深
其行委實壯觀
亦故茲泉而金
齋常麻味衣精
野遊富嫌益
我期驚慕
且華
宗岳

賢明

詩紀卷之四十八

宋四

謝靈運

初去郡

彭薛裁知耻
貢公未遺榮
或可優貪競
豈足稱達
生伊余秉微
尚拙訥謝浮
名廬園當棲
巖卑位代
躬耕顧已雖
自許心迹猶
未并無庸方

選作周任

有疾像長卿
畢娶類尚子
薄遊似邴生
恭承古人
意促五臣
裝返柴荆
牽絲及元興
解龜在景平
負

言終 卷之四
心二十載於今廢將迎理棹遄還期遵渚驚修壩
遡溪終水涉登嶺始山行野曠沙岸淨天高秋月
明憇石挹飛泉攀林蹇落英戰勝臞者肥鑿止流
歸停卽是羲唐化獲我擊壤情一作聲

田南樹園激流植援

樵隱俱在山由來事不同不同非一事養痾亦園

中中園

一作園中

屏氛雜清曠招遠風卜室倚北阜啟

扉面南江激澗代汲井挿槿當列墉羣木旣羅戶

衆山亦當

善作對

窓靡迤趨下田

五臣作岫

迢遞瞰高峯

寡欲不期勞卽事罕人功唯開蔣生逕永懷求羊
蹤賞心不可忘妙善冀能同

石壁精舍還湖中作

昏旦變氣候山水含清暉清暉能娛人游子憺忘
歸出谷日尚早入舟陽已微林壑歛暝色雲霞收
夕霏芰荷迭映蔚蒲稗相因依披拂趨南逕愉悅
偃東扉慮澹物自輕意愜理無違寄言攝生客試
用此道推

登石門最高頂

晨策尋絕壁夕息在山棲
 疏峯抗高館對嶺臨迴
 溪長林羅戶穴一作庭積石擁階基
 連巖覺路塞密竹使徑
 迷來人忘新術去子惑
 故蹊活活夕流駛噉噉
 夜猿啼沈冥豈別理
 守道自不携心契九秋
 榦目翫三春萸居常
 以待終處順故安排
 惜無同懷客共登青雲梯

石門新營所任四面高山迴
 溪石瀨茂林修竹

躋險築幽居披雲臥石門
 苔滑誰能步葛弱豈可

捫嫋嫋秋風過萋萋春草繁
 美人遊不還佳期何由
 敦芳塵凝瑤席清醕滿
 金尊洞庭空波瀾桂枝
 徒攀翻結念屬霄漢孤
 景莫與諉俯濯石下潭
 仰看條上猿早聞夕飈
 急晚見朝日瞰崖傾光
 難留林深響易奔感往
 慮有復理來情無存庶
 持乘日車選用作得以慰營魂
 匪為衆人說與智者論
 於南山往北山經湖中
 瞻眺

朝旦發陽崖景落憇陰峯
 舍舟眺迴渚停策倚茂
 松側逕既窈窕環洲亦
 玲瓏俛視喬木杪仰聆
 大

言終
卷之四
三
壑淙石橫水分流林密蹊絕蹤解作竟何感升長
皆丰容初篁苞綠籜新蒲含紫茸海鷗戲春岸天
雞弄和風撫化心無厭覽物眷彌重不惜去人遠
但恨莫與同孤遊非情歎賞廢理誰通

從斤竹澗越嶺溪行

猿鳴誠知曙谷幽光未顯巖下雲方合花上露猶
泫透迤傍隈隩迢遞陟陁峴過澗旣厲急登棧亦
陵緬川渚屢徑復乘流翫迴轉蘋萍泛沈深菰蒲
冒清淺企石挹飛泉攀林摘葉卷想見山阿人薜
蘿若在眼握蘭勤徒結折麻心莫展情用賞爲美
事昧竟誰辨觀此遺物慮一悟得所遣

過白岸亭詩

拂衣遵沙垣緩步入蓬屋近澗涓密石遠山映踈
木空翠難強名漁釣易爲曲援蘿聆青崖春心自
相屬交交止栩黃啣啣食萍鹿傷彼人百哀嘉爾
承筐樂榮悴迭去來窮通成休憾未若長踈散萬
事恒抱朴

夜宿石門詩

拾遺作石
門巖上宿

朝搴苑中蘭畏彼霜下歇
暝還雲際宿弄此石上月
鳥鳴識夜棲木落知風發
異音同至聽殊響俱
清越妙物莫爲賞芳醕誰與
伐美人竟不來陽阿
徒晞髮

木空屋南樓中望所遲客

杳杳日西頽漫漫長路迫
登樓爲誰思臨江遲來
客與我別所期期在三五
夕圓景早已滿佳人殊
五臣未適卽事怨睽携感物方
悽感孟夏非長夜
作猶晦明如歲隔瑤華
未堪折蘭苕已屢摘路阻
莫贈

問云何慰離析搔首訪行人
引領與良覲

廬陵王墓下作

曉月發雲陽落日次朱方
含悽泛廣川灑淚眺連
岡眷言懷君子沈痛切中
腸道消結憤懣運開申
悲涼神期恒若存德音初
不忘徂謝易永久松柏
森已行延州協心許楚老
惜蘭芳解劍竟何及撫
墳徒自傷平生疑若人通
蔽互相妨理感心情慟
定非識所將脆促良可哀
天枉特兼常一隨往化
滅安用空名揚舉聲泣已
瀝長歎不成章

還舊園作見顏范二中書

辭滿豈多秩論病不待年
 偶與張邴合久欲還東
 山聖靈昔迴眷微尚不及
 宣何意衝飈激烈火縱
 炎煙焚玉發崑峯餘燎
 遂見遷投沙理既迫如
 邛願亦愆長與歡愛別
 永絕平生緣浮舟千仞
 壑總轡萬尋巔流沫不
 足險石林豈為艱閩中
 安可處日夜念歸旋事
 蹟兩如且心愜三避賢
 託身青雲上棲巖挹飛
 泉盛明盪氛昏貞休康
 屯遭殊方感成貸微物
 豫采甄感深操不固質
 弱易扳纏曾是

反昔園語往實欵然曩基
 卽先築故池不更穿果
 木有舊行壤石無遠延
 雖非休憩地聊取永日
 閑衛生自有經息陰謝
 所牽夫子照清素探懷
 授往

酬從弟惠連

五章 ○惠連西陵遇風獻康樂詩見本集

寢瘵謝人徒滅迹入雲峯
 巖壑寓耳目歡愛隔音
 容永絕賞心望長懷莫
 與同末路值令弟開顏
 披心胷

心胷既云披意得咸在斯
 凌澗尋我室散帙問所

言終
卷之四
知夕慮曉月流朝忌曛日馳悟對無厭歇聚散成
分離

分離別西川迴景歸東山別時悲已甚別後情更
延傾想遲嘉音果枉濟江篇辛勤風波事欵曲洲
渚言

洲渚旣淹時風波子行遲務協華京想詎存空谷
期猶復惠來章祇足攬余思儻若果歸言共陶暮
春期

暮春雖未交仲春善遊遨山桃發紅萼野蕨漸紫
苞嚶鳴已悅豫幽居猶鬱陶夢寐佇歸舟釋我吝
與勞

登臨海嶠初發疆中作與從弟惠連可見

羊何共和之

四章○集作登臨海嶠與從弟惠連一首

杪秋尋遠山山遠行不近與子別山阿含酸赴脩
軫中流袂就判欲去情不忍顧望脰未惰汀曲舟

已隱

隱汀絕望舟驚棹逐

一作

驚流欲抑一生歡并奔

千里遊日落當棲薄繫纜臨江樓豈惟夕情歛憶

爾共淹留

淹留昔時歡復增今日歎茲情已分慮况乃協悲
端秋泉鳴北澗哀猿響南巒戚戚新別心悽悽久
念攢

攢念攻別心旦發清溪陰暝投剡中宿明登天姥
岑高高入雲霓還期那可尋儻遇浮丘公長絕子
徽音

初發石首城

白珪尚可磨斯言易爲緇雖抱中孚爻猶勞貝錦

詩寸心若不亮微命察如絲日月垂光景成貸遂
兼茲出宿薄京畿晨裝搏曾颺重經平生別再與
朋知辭故山日已遠風波豈還時迢迢萬里帆茫
茫終何之遊當羅浮行息必廬霍期越海陵三山
遊湘歷九嶷欽聖若旦暮懷賢亦悽其皎皎明發
心不爲歲寒欺

入東道路詩

整駕辭金門命旅惟詰朝懷居顧歸雲指塗沂行
飈屬值清明節榮華感和韶陵隰繁綠杞墟囿粲

言終
卷之四
紅桃鶯鶯翬方雒纖纖麥垂苗隱軫邑里密緬邈
江海遠滿目皆古事心賞貴所高魯連謝千金延
州權去朝行路既經見願言寄吟謠

道路憶山中

采菱調易急江南歌不緩楚人心昔絕越客腸今
斷斷絕心殊念俱爲歸慮歎存鄉爾思積憶山我
憤懣追尋棲息時偃臥任縱誕得性非外求自己
爲誰纂不怨秋夕長常一作恒苦夏日短濯流激浮
湍息陰倚密竿懷故叵新歡含悲忘春暖悽悽明

月吹惻惻廣陵散殷勤訴危柱慷慨命促管

入彭蠡湖口

客遊倦水宿風潮難具論洲島驟迴合圻岸屢崩
奔乘月聽哀狔浥露馥芳蓀春晚綠野秀巖高白
雲屯千念集日夜萬感盈朝昏攀崖照石鏡牽葉
入松門三江事多往九派理空存靈物去珍恠異
人秘精魂金膏滅明光水碧綴五臣作輟流温徒作千
里曲絃絕念彌敦

入華子岡是麻源第三谷

南州實炎德桂樹陵寒山銅陵映碧澗石磴瀉紅
泉旣在隱淪客亦棲肥遁賢險徑無測度天路非
術阡遂登群峰首邈若升藝文類聚作騰雲煙羽人絕髣
髴丹丘徒空筌圖牒復磨滅碑版誰聞傳莫辨百
代後安知千載前且申獨往意乘月弄潺湲恒克
俄頃用豈爲古今然

發歸瀨三瀑布望兩溪

我行乘日垂放舟候月圓沫江免風濤涉清弄漪
漣積石竦兩溪飛泉倒三山亦旣窮登陟荒藹橫

目前窺巖不覩景披林豈見天陽烏尚傾翰幽篁
未爲遭退尋平常時安知巢穴難風雨非攸恠擁
志誰與宣倘有同枝條此日卽千年

初往新安桐廬口

締綌雖妻其授衣尚未至感節良已深懷古亦云
一作徒思不有千里棹孰申百代意遠協尚子心遙
得許生計旣及冷風善又卽秋水駛江山共開一作
開曠雲日相照媚景夕羣物清對玩咸可憇

擬魏太子鄴中集詩八首 并序

建安末余時在鄴宮朝遊夕讌究歡愉之極天下良辰美景賞心樂事四者難并今昆弟友朋二三諸彦共盡之矣古來此娛書籍未見何者楚襄王時有宋玉唐景梁孝王時有鄒枚嚴馬遊者美矣而其主不文漢武帝徐樂諸才備應對之能而雄猜多忌豈獲晤言之適不誣方將庶必賢於今日爾歲月如流零落將盡撰文懷人感往增愴其辭曰

魏太子

百川赴巨海衆星環北辰照灼爛霄漢遙裔起長津天地中橫潰家王

五臣作皇

拯生民區宇旣蕩滌羣

英必來臻忝此欽賢性由來常懷仁况值衆君子傾心隆日新論物靡浮說析理實敷陳羅縷豈闕辭窈窕究天人澄觴滿金壘連榻設華茵急絃動飛聽清歌拂梁塵莫

善作何

言相遇易此歡信可珍

王粲

家本秦川貴公子孫遭亂流寓自傷情多

幽厲昔崩亂桓靈今板蕩伊洛旣燎烟函嶠沒無

像

五臣作象

整裝辭秦川秣馬赴楚壤沮漳自可美客

心非外獎常歎詩人言式微何由往上宰奉皇靈

侯伯咸宗長雲騎亂漢南宛

善作紀

郢皆掃盪排霧

屬盛明披雲對清朗慶泰欲重疊公子特先賞不

謂息肩願一旦值明兩並載遊鄴京方舟汎河廣

綢繆清讌娛寂寥梁棟響既作長夜飲豈顧乘日

養

陳琳

袁本初書記之士故述喪亂事多

皇漢逢屯邅天下遭氛慝董氏淪關西表家擁河

北單民

五臣作人

易周章窘身就羈勒豈意事乖已永

懷戀故國相公實勤王信能定蚤賊復覩東都輝

重見漢朝則餘生幸已多矧迺值明德愛客不告

疲飲讌遺景刻夜聽極星爛

五臣作闌

朝遊窮曛黑哀

哇動梁埃急觸盪幽默且盡一日娛莫知古來惑

徐幹

少無宦情有箕穎之心事故仕世多素辭

伊昔家臨淄提携弄齊瑟置酒飲膠東淹留憇高

密此歡謂可終外物始難畢搖蕩箕濮情窮年迫
憂慄未塗幸休明棲集建薄質已免負薪苦仍游
椒蘭室清論事究萬美話信非一行觴奏悲歌永
夜繫五臣作繼白日華屋非蓬居時髦豈余匹中飲顧
昔心悵焉若有失

劉楨

卓犖偏人而文最有氣所得頗經奇
貧居晏里閑少小長東平河兗當衝要淪飄薄許
京廣川無逆流招納厠羣英北渡黎陽津南登宛

善作紀

郢城既覽古今事頗識治亂情歡友相解達

敷奏究平生矧荷明哲顧知深覺命輕朝游牛羊
下暮坐括搗鳴終歲非一日傳卮弄清聲辰事既
難諧歡願如今并唯羨肅肅翰繽紛戾高冥

應瑒

汝穎之士流離世故頗有飄薄之歎

嗷嗷雲中鴈舉翮自委羽求涼弱水湄違寒長沙

渚顧我梁

五臣作涼

川時緩步集穎許一旦逢世難淪

薄恒羈旅天下昔未定託身早得所官渡厠一卒

烏林預艱阻晚節值衆賢會同庇天宇列坐廕華
棖金尊盈清醕始奏延露曲繼以闌夕語調笑輒
酬答嘲謔無慙沮傾軀無遺慮在心良已叙

阮瑀
管書記之任故有優渥之言

河洲多沙塵風悲黃雲起金羈相馳逐聯翩何窮
已慶雲惠優渥微薄攀多士念昔渤海時南皮戲
清泚今復河曲遊鳴葭汎蘭汜躡步陵丹梯並坐
侍君子妍談旣愉心哀音一作弄信睦耳傾酤係芳

醕酌言豈終始自從食萍來唯見今日美

平原侯植

公子不及世事但美遨遊然頗有憂生之嗟

朝遊登鳳閣日暮集華沼傾柯引弱枝攀條摘蕙
草徙倚窮騁望日極盡所討西顧太行山北眺邯
鄲道平衢脩且直白楊信裊裊副君命飲宴歡娛
寫懷抱良遊匪晝夜豈云晚與早衆賓悉精妙清
辭灑蘭藻五臣作蘭蒲哀音下迴鵠餘哇徹清昊中山
不知醉飲德方覺飽願以黃髮期養生念將老

石壁立招提精舍

四城有頓躓三世無極已浮歡昧眼前沈照貫終
始壯齡緩前期頽年追暮齒揮霍夢幻頃飄忽風
電起良緣迨未謝時逝不可俟敬擬靈鷲山尚想
祇洹軌絕溜飛庭前高林映窓裏禪室栖空觀講
宇析妙理

過瞿溪山僧

迎旭凌絕磴映泫歸淑浦鑽燧斷山木掩岸堦石
戶結架非丹甍藉田資宿莽同遊息心客暖然若

可睹清霄飈浮煙空林響法鼓忘懷狎鷗鰕攝生
馴兕虎望嶺眷靈鷲延心念淨土若乘四等觀永
拔三界苦

七夕詠牛女

火逝首秋節新明弦月夕月弦光照戶秋首風入
隙凌峯步曾崖藝文作岑憑雲肆遙脉徙倚西北庭竦
踊東南靚紈綺無報章河漢有駿軌

彭城宮中直感歲暮

草草眷徂物契契矜歲殫楚艷起行戚吳趨絕歸

懽脩帶緩舊裳素鬢改朱顏晚暮悲獨坐藝文作已鳴

題歇春蘭

歲暮

以下五首文闕

殷憂不能寐苦此夜難頽明月照積雪朔風勁初學

清作且哀運往無淹物年逝覺已藝文作易催

登廬山絕頂望諸嶠

積峽忽復啟平塗俄已閉巒隴有合沓往來無蹤

轍晝夜蔽日月冬夏共霜雪

夜發石關亭

隨山踰千里浮溪將十夕鳥歸息舟楫星關命行

後亭亭曉月映泠泠朝露滴

答謝惠連

懷人行千里我勞盈十旬別時花灼灼別後葉蓁

蓁

初發入南城

弄波不輟手玩景豈停目雖未登雲峰且以歡水

宿

東陽溪中贈答二首

言系 卷之四
可憐誰家婦緣流洒一作洗素足明月在雲間迢迢

不可得

可憐誰家郎緣流乘素舸但問情若為月就雲中

墮

作離合

古人怨信次十日眇未央加我情繾綣口脉情亦

傷劇哉歸遊客處子勿相忘別字

詩一首

宋書本傳曰靈運為孟覬所表帝惜其才不罪以為臨川內史在郡游放不異

永嘉為有司所糾司徒遣隨州從事收之靈運與兵叛逸為詩曰

韓亡子房奮秦帝魯連耻本自江海人忠義感君

子

臨終詩

梁書本傳曰靈運既被擒文帝以謝玄勳參微管宜宥及後嗣降死徙廣州又為有司所奏請依法收治詔於廣州棄市臨刑作詩曰

龔勝無餘生季業有終盡稽公理既迫霍生命亦

殞悽悽後一作凌霜栢納納衝風茵邂逅竟無時一作

幾修短非所愍恨我君子志不得巖下泯送心正

言終
卷之四
覺前斯痛久已忍唯願乘來生怨親同心朕

王子晉讚

贊例不錄以其近五言詩附存之

淑質非不麗難以之百年儲宮非不貴豈若登雲

天王子愛清淨區中實囂誼與見浮丘公與爾共

續翻

巖下見一老翁四五少年讚

盛弘之荊州記初有採藥衡山見一老翁四五年少對坐執書劉敬叔異苑曰湘東姚祖太元中為郡吏經衡山望巖下數少年並執筆作書祖謂行旅休息乃過之未至百步少年相與飛颺遺一紙書在坐處前數句古時字自後皆鳥

衡山採藥人路迷糧亦絕過息巖下坐正見相對

說一老四五少仙隱不可別其書非世教其人必

賢哲

維摩經十譬贊

維摩經云是身如聚沫澡浴強忍是身如泡不得久立是身如野馬渴愛疲勞是身如芭蕉中無有堅是身如幻轉受報應是身如夢其現恍惚是身如影行照而現是身如響因緣變失是身如霧意無靜想是身如電為分散法

聚沫泡合

水性本無泡激流遂聚沫即異成狀貌消散歸虛

言終
卷之四
壑君子識根本安事勞與奪愚俗駭變化橫復生

欣怛

梁末感合

燄

性內相表狀非炎安知火新新相推移熒熒非向
我如何滯著人終歲迷因果

芭蕉

生分本多端芭蕉知不一含萼不結核敷華由何
實至人善取譬無宰誰能律莫昵緣合時當視分
散日

聚幻

幻工作同異誰謂復非真一從逝物過既往亦何
陳謬者疑久近達者皆自賓勿起離合情會無百
代人

夢

覺謂寢無知寐中非無見意狀盈眼前好惡迭一作
迷萬變既悟眇已往惜爲浮物戀孰視婆娑盡寧
當非赤縣

影響合

詩紀
卷之四
影響順形聲資物故生理一旦揮霍去何因相像
似羣有靡不然昧漠乎自己四色尚無本八微欲
安恃

浮雲

泛濫明月陰蒼蔚南山雨能爲變動用在我竟無
取俄已就飛散豈復得攢聚諸法旣無我何由有
我所

電

倏爍驚電過可見不可逐怕物生滅後誰復覈遲
速慎勿空留念橫便神理忽發已道易孚忘情長
之福

詩紀卷之四十八

終

詩紀卷之四十九

宋五

謝瞻

字宣遠六歲能屬文與從叔混族弟靈運俱有盛名晉義熙中為安城太守宋初除中書侍郎以弟晦當朝乃求出守豫章遇病卒

九日從宋公戲馬臺集送孔令詩

風至授寒服霜降休百工繁林收陽彩密苑解華

叢巢幕無留鷺遵渚有來

五臣作歸

鴻輕霞冠秋日迅

商薄清穹聖心眷嘉節揚鑿戾行宮四筵霑芳醴

中堂起絲桐扶光迫西汜歡餘

初學作餘歡

宴有窮逝

言系 卷之五
矣將歸客養素克有終臨流怨莫從歡心歎飛蓬

答靈運

一作答康樂
樂秋霽詩

夕霽風氣涼閑房有餘清開軒滅華燭月落皓

五臣

浩作

已盈獨夜無物役寢者亦云寧忽獲愁霖唱懷

勞奏所誠

善作
成

歎彼行旅艱深茲眷言情伊余雖

寡慰殷憂暫爲輕牽率酬嘉藻長揖愧吾生

於安城答靈運

五章

條繁林彌蔚波清源逾濬華宗誕吾秀之子紹前

胤綢繆結風微烟煜吐芳訊鴻濤隨事變雲

五臣
作靈

臺與年峻

華萼相光飾嚶鳴

五臣作
嚶嚶

悅同響親親子敦余賢

賢吾爾賞比景後鮮輝方年一日長萎葉愛榮條

涸流好河廣

狗業謝成操復禮愧貧樂幸會果代耕符守江南

五臣作
兩江

曲履運傷荏苒遵塗歎緬邈布懷存所欽

我勞一何篤

肇允雖同規翻飛各異槩迢遞封畿外窈窕承明
內尋塗塗旣睽卽理理已

五臣一
作亦

對絲路有恒悲

言終
卷之五
矧迺在吾愛

跬行安步武鍛翮周數仞豈不識高遠違方往有
吝歲寒霜雪嚴過半路逾峻量已畏友朋勇退不
敢進行矣勵令猷寫誠酬來訊

王撫軍庾西陽集別時爲豫章太守庾被

徵還東

集曰謝還豫章庾被徵還都
王撫軍送至湓口南樓作

祇召旋北京守官反

五臣
作及

南服方舟析舊知對筵

曠明牧舉觴矜飲餞指途念出宿來晨無定端別
畧有成速頽陽照通津夕陰曖平陸榜人理行艫

輜軒命歸僕分手東城闔發櫂西江隩離會雖相
雜逝川豈往復誰謂情可書盡言非尺牘

張子房詩

王風哀以思周道蕩無章卜洛易隆替興亂罔不
亡力政吞九鼎苛慝暴三殤息肩纏民思靈鑒集
朱光伊人感代工聿來扶興王婉婉幙中畫輝輝
天業昌鴻門銷薄蝕垓下隕攬槍爵仇建蕭宰定
都獲儲皇肇允契幽叟翻飛指帝鄉惠心奮千祀
清埃播無疆神武睦三正裁成被八荒明兩燭河

陰慶霄薄汾陽鑿於五臣作旌歷頽寢飾像薦嘉嘗聖

心豈徒甄惟德在無忘逝者如可作揆子慕周行

濟濟屬車士粲粲翰墨場瞽夫違盛觀竦踊企一

方四達雖平直蹇步愧無良飡和忘微遠延首詠

太康

謝惠連

丹陽尹方明之子十歲能屬文元嘉元年為彭城王法曹參軍年三十七卒

詩品云小謝詩才思富捷恨其蘭玉夙凋故長轡未騁秋懷擣衣之作雖復靈運銳思亦

何以加焉又工為麗歌謠風人第一

秋胡行二首

以下四言

春日遲遲桑何萋萋紅桃含天綠柳舒蕙邂逅粲

者游

一作

渚戲蹊華顏易改良願難諧

係風捕影誠知不得念彼奔波意慮廻惑漢女倏

忽洛神飄揚空勤交甫徒勞陳王

隴西行

運有榮枯道有舒屈潛保黃裳顯服朱黻誰能守

靜棄華辭榮窮谷是處考槃是營千金不廻百代

傳名厥包者柚忘憂者萱何為有用自乖中原實

摘柯摧葉殞條煩

詩已

卷之五 宋

四

言
卷之五
四
豫章行

以下
五言

軒帆邈遙路薄送瞰遐江舟車理殊緬密友將遠
從九里樂同潤二華念分峯集歡豈今發離歎自
古鍾促生靡緩期迅景無遲蹤緇髮迫多素憔悴
謝華莘婉婉寡留晷窈窕閉淹龍如何阻行止憤
愠結心胷旣微達者度歡戚誰能封願子保淑慎
良訊代徽容

塘上行

芳萱秀陵阿菲質不足營幸有忘憂用移根託君
庭垂穎臨清池擢彩仰華蕙霑渥雲雨潤葳蕤吐
芳馨願君眷傾葉留景惠餘明

却東西門行

慷慨發相思惆悵戀音徽四節競闌候六龍引頽
機人生隨時變遷化焉可祈百年難必保千慮盈
懷之

代悲哉行

樂府作惠連鮑
照集亦載此

羈人感淑節緣感欲回轍我行詎幾時華實驟舒
結覩實情有悲瞻華意無悅覽物懷同志如何復

言
卷之五
五
乖別翩翩翔禽羅關關鳴鳥列翔鳴常疇偶所歎
獨乖絕

燕歌行 七言

四時推遷迅不停三秋蕭瑟葉解輕飛霜被野鴈
南征念君客遊羈思盈何爲淹留無歸聲愛而不
見傷心情朝日潛輝華燈明林鵲同栖渚鴻并接
翩偶羽依蓬瀛仇依旅類相和鳴余獨何爲志無
成緣物感淚沾纓

猛虎行

以下
雜言

貧不攻九嶷玉倦不憇三危峯九嶷有惑號三危
無安容美物標貴用志士勵奇蹤如何祇遠役王
命宜肅恭伐鼓功未著振旅何時從

又云猛虎潛
深山長嘯自

生風人謂客行
樂客行苦心傷

鞠歌行

翔馳騎千里姿伯樂不舉誰能知南荆璧萬金貴
卞和不斲與石離年難留時易隕厲志莫賞徒勞
疲沮齊音溺趙吹匠石善運郢不危古綿眇理參
差單心慷慨雙淚垂

前緩聲歌

羲和織阿去嗟峨覩物知命使余轉欲悲歌憂戚
人心胷處山勿居峯在行勿為公居峯大阻銳為
公遇讒蔽雅琴自踈越雅韻能揚揚滑滑相混同
終始福祿豐

三月三日曲水集 一作上巳曲水 集○以下五言

四時著平分三春稟融爍遲遲和景婉天天園桃
灼携朋適 藝文作斯 郊野昧爽 藝文作旦 辭鄺廓蜚雲興翠
嶺芳飈起華薄解轡偃崇丘藉草繞迴壑際渚羅

時歛託波汎輕爵

汎南湖至石帆

軌息陸塗初柅鼓川路始漣漪繁波漾參差層峯
峙蕭疎野趣生逶迤白雲起登陟苦跋涉瞬眴樂
心耳即翫翫有竭在興興無已

西陵遇風獻康樂 五章

我行指孟春春仲尚未發趣途遠有期念離情無
歇成裝候良辰漾舟陶嘉月瞻塗意少悰還顧情
多闕

哲兄感化別相送越垌林飲餞野亭館分袂澄湖
陰悽悽留子言眷眷浮客心廻塘隱艫棧遠望絕
形音

靡靡卽長路戚戚抱遙悲悲遙但自弭路長當語

五臣誰行行道轉遠去去情彌遲昨發浦陽汭今

作問宿浙江湄

屯雲蔽曾嶺驚風涌飛流零雨潤墳澤落雪灑林

丘浮氛晦崖巘積素惑原疇曲汜薄停旅五臣通

作依川絕行舟

臨津不得濟佇楫阻風波蕭條洲渚際氣色少諧

和西瞻五臣興游歎東睇起悽歌積憤成疢疾無

萱將如何

代古一作擬客
從遠方來

客從遠方來贈我鵠文綾貯以相思篋緘以同心
繩裁爲親身服著以俱寢興別來經年歲歡心不
可凌瀉酒置井中誰能辯斗升合如杯中水誰能

判淄澠

秋懷

詩經 卷之五
平生無志意少小嬰憂患如何乘苦心矧復值秋
晏皎皎天月明奕奕河宿爛蕭瑟含風蟬寥唳度
雲鴈寒商動清閨孤燈曖幽幔耿介繁慮積展轉
長宵半夷險難預謀倚伏昧前算雖好相如達不
同長卿慢頗悅鄭生偃無取白衣宦未知古人心
且從性所翫賓至可命觴朋來當染翰高臺驟登
踐清淺五臣作波時陵亂顏魄不再圓傾羲無兩日金
石終銷毀丹青斲彫煥各勉玄髮歡無貽白首歎
因歌遂成賦聊用布親串

擣衣

衡紀無淹度晷運倏如催白露滋園菊秋風落庭
槐蕭蕭莎雞羽烈烈寒螿啼夕陰結空幕宵月皓
中閨美人戒裳服端飾相招携簪玉出北房鳴金
步南階欄高砧響發楹長杵聲哀微芳起兩袖輕
汗染雙題紈素旣已成君子行未歸裁用筥中刀
縫爲萬里衣盈篋自余手幽絨俟君開腰帶准疇
昔不知今是非

泛湖歸出樓中望月

日落泛澄瀛星羅遊輕橈憩榭面曲汜臨流對迴
潮輟策共駢筵並坐相招要哀鴻鳴沙渚悲猿響
山椒亭亭映江月颺颺出谷颺斐斐氣暴岫泫泫
露盈條近矚祛幽蘊遠視盪誼囂晤言不知罷從
夕至清朝

七月七日夜詠牛女

落日隱欄楹升月照簾玉臺作房櫳團團滿葉露析析
振條風蹠足循廣除瞬目驪會穹雲漢有靈匹彌
年闕相從遐川阻暱愛修渚曠清容弄杼不成藻

聳轡驚前蹤昔離秋已兩今聚夕無雙傾河易迴
幹欵情玉臺作顏難久悰沃若靈駕旋寂寥雲幄空留
情顧萃寢遙心逐奔龍沈吟爲爾感情深意彌重

喜雨

朱明振炎氣溽暑扇温颺羨彼明月輝離畢經中
宵思此西郊雲旣雨盈崇朝上天愍憔悴商羊自

吟謠

詠冬

藝文新本字譌作
靈運考舊本正之

七宿乘運曜三星與時滅履霜冰彌堅積寒風逾

切繁雲起重陰迴飈流輕雪園林粲斐皓庭除秀
皎潔墀瑣有疑汗一作逵衢無通轍

讀書

賁園奚足慕下帷故宜遵山成由一簣崇積始微
塵虞軒雖眇莽顏隰亦何人

離合詩二首

放棹遵遙塗方與情人別嘯歌亦何言肅爾凌霜
節客

夫人皆薄離二友獨懷古思篤子衿詩山一作川

何足苦念

夜集作離合

四坐宴嘉賓一客自遠臻九言何所戒十善故宜
遵

長安有狹邪行以下關文

紀郢有通達通達並軒車帟帟雕輪馳軒軒翠蓋
舒撰策之五尹振轡從三閭推劍馮前軼鳴佩專
後輿

順東西門行

哀朝茵閔頽力遷化常然焉肯息及壯齒遇世直
酌酪華堂集親識舒情盡懽遣悽惻

夜集歎乖

詩人詠踟躕騷首歌離別誠哉曩日歡展矣今夕
切吾生赴進令質明卽行徹在貧故宜言贈子保
溫惠曷用書諸紳久要亮有誓

與孔曲阿別詩

淒淒乘蘭秋言餞千里舟塗屆雲陽邑邑宰有昔
遊行人雖念路爲爾暫淹留

詠螺蚌

輕羽不高翔自用弦網羅纖鱗惑芳餌故爲釣所
加螺蚌非有心沈迹在泥沙文無雕飾用味非梟
俎和

失題

見藝文
言志類

夕坐苦多慮行歌踐閨中房櫳引傾月步檐結春
風

詩紀卷之四十九

終

賦賦非非
雖不不高朕自用茲縣縣難難

遊行人滿縣執

詩紀卷之五十

宋六

鮑照

一作昭字明遠東海人文詞瞻逸尤長於樂府始謁臨川王義慶貢詩言志擢為國

侍即遷秣陵令文帝選為中書舍人上方以文章自高頗多忌由是賦述不職盡其才後臨海王子頊鎮荊州以為前軍參軍時江外諸王皆拒命子頊敗遂遇害○詩品曰鮑照詩其源出於二張善形狀寫物之詞得景陽之倣詭含茂先之靡漫骨節強於謝混駢邁疾於延年摠四家而擅美跨兩代而孤出嗟其才秀人微故取湮當代然貴尚巧似不避危仄頗傷清雅之調故言險俗者多以附昭

樂府

採桑

以下
五言

季春梅始落工女事蠶作採桑淇洧間還戲上宮

閣早蒲時結陰晚篁

一作
竹

初解籜藹藹霧滿

集作
灑

閨融融景盈幕乳鸞逐草蟲巢蜂拾花萼是節最

暄妍佳服又新爍綿

玉臺
作歛

歎對迴塗揚歌弄場藿

抽琴試杼思薦珮果成託承君郢中美服義久心

諾衛風古愉艷鄭俗舊浮薄靈願悲渡湘宓賦笑

瀝洛盛明難重來淵意爲誰涸君其且調絃桂酒

妾行酌

代蒿里行

同盡無貴賤殊願有窮伸馳波催永夜零露逼短

晨結

集作
驅

我幽山駕去此滿堂親虛容遺劍佩實

樂府
作美

貌戢衣巾斗酒安可酌尺書誰復陳年代稍

推遠懷抱日幽淪人生良自劇天道與何人齋我

長恨意歸爲狐兔塵

代挽歌

獨處重冥下憶昔登高臺傲岸平生中不爲物所

裁挺門只復閉白蟻相將來生時芳蘭體小蟲今

言終
卷之六
為災玄鬢無復根枯體依青苔憶昔好飲酒素盤
進青梅彭韓及廉藺疇昔已成灰壯士皆死盡餘
人安在哉

代東門行

傷禽惡弦驚倦客惡離聲離聲斷客情賓御皆涕
零涕零心斷絕將去復還訣一息不相知何況異
鄉別遙遙征駕遠杳杳白日晚居人掩閨臥行子
夜中飯野風吹草集作秋木行子心腸斷食梅常苦
酸衣葛常苦寒絲竹徒滿座憂人不解顏長歌欲

自慰彌起長恨端

代放歌行

歌錄曰孤子生行
古辭曰放歌行

蓼蟲避葵董習苦不言非小人自齷齪安知曠士
懷雞鳴洛城裏禁門平旦開冠蓋縱橫至車騎四
方來素帶曳長飈華纓結遠埃日中安能止鍾鳴
猶未歸夷世不可逢賢君信愛才明慮自天斷不
受外嫌猜一言分珪爵片善辭草萊豈伊白璧賜
將起黃金臺今君有何疾臨路獨遲迴

代陳思王京洛篇

玉臺作煌煌京洛行

鳳樓十二重四戶八綺窓繡榻金蓮華桂柱玉盤
龍珠簾無隔露羅幌不勝風寶帳三千所爲爾一
朝容揚芬紫烟上垂綵綠雲中春吹回白日霜歌
落塞鴻但懼秋塵起盛愛逐衰蓬坐視青苔滿臥
對錦筵空琴瑟縱橫散舞衣不復縫古來共歇薄
君意豈獨濃唯見雙黃鵠千里一相從

代門有車馬客行

門有車馬客問客何鄉士捷步往相訊果得舊鄰

里悽悽聲中情慊慊增下俚語昔有故悲論今無
新喜清晨相訪慰日暮不能已歡戚競尋緒談調
何終止辭端竟未究忽唱分途始前悲尚未弭後
感樂府作戚方復起嘶聲盈我口談言在君耳手迹可
傳心願爾篤行李

代權歌行

羈客離嬰時飄飄無定所昔秋寓江介茲一作春
客河許往戢于役身願言永懷楚泠泠儵䟽潭邕
邕鴈循渚颺戾長風振搖曳高帆舉驚波無留連

舟人不躑躅

代白頭吟

直如朱絲繩清如玉壺冰何慙宿昔意猜恨坐相
仍人情賤恩舊世議逐衰興毫髮一爲瑕丘山不
可勝食苗實碩鼠點白信蒼蠅鳧鵠遠成美薪芻
前見陵申黜褒女進班去趙姬升周王日淪惑漢
帝益嗟稱心賞猶難恃貌恭豈易憑古來共如此
非君獨撫膺

代東武吟

主人且勿誼賤子歌一言僕本寒鄉士出身蒙漢
恩始隨張校尉占一作募到河源後逐李輕車追

虜窮塞垣密塗亘萬里寧歲猶七奔肌力盡鞍甲

心思歷涼溫將軍旣下世部曲亦罕存時事一朝

異孤績誰復論少壯辭家去窮老還入門腰鎌刈

葵藿倚杖牧一作雞豚昔如韝上鷹今似檻中猿

徒結一作積千載恨空負百年怨棄席思君幄疲馬

戀君軒願垂晉主惠不媿田子魂

代別鶴操

詩肥

卷之六 宋

五

雙鶴俱起時徘徊滄海間長弄若天漢輕軀似雲
懸幽客時結侶提携遊三山青繳凌瑤臺丹羅籠
紫烟海上悲風急三山多雲霧散亂一相失驚孤
不得住緬然日月馳遠矣絕音儀有願而不遂無
怨以生離鹿鳴在深草蟬鳴隱高枝心自有所存
一作旁人那得知

代出自薊北門行

羽檄起邊亭烽火入咸陽徵師選作屯廣武分兵
救朔方嚴秋筋竿勁虜陣精且彊天子按劍怒使

者遙相望鴈行緣石徑魚貫度飛梁簫鼓流漢思

當作

旌甲被胡霜疾風衝塞起沙礫自飄揚馬毛

縮如蝟角弓不可張時危見臣節世亂識忠良投
軀報明主身死爲國殤

代陸平原君子有所思行

西上登雀臺東下望雲闕層閣肅天居馳道直如
髮繡薨結飛霞璇題納行月築山擬蓬壺穿池類
溟渤選色遍齊代集作徵聲匝邛越陳鐘陪夕讌
笙歌待明發年貌不可還身意會盈歇蟻壤漏山

阿善作絲淚毀金骨器惡含滿歎物忌厚生沒智

哉衆多士服理辨昭昧叶音未一作晰

代悲哉行明遠集載此樂府作謝惠連

羈人感淑節緣感欲回轍我行詎幾時華實驟舒
結覩實情有悲瞻華意無悅覽物懷同志如何復
乖別翩翩翔禽羅關關鳴鳥列翔鳴尚疇偶所歎
獨乖絕

代陳思王白馬篇

白馬駢角弓鳴鞭乘北風要途問邊急雜虜入雲

中閉壁自往夏清野徑還冬僑裝多闕絕旅服少

裁縫埋身守漢境一作節沈命對胡封薄暮塞雲起

飛沙被遠松含悲望兩都楚歌登四墉丈夫設計

誤懷恨逐邊戎棄一作罷別中國愛要一作邀冀胡馬

功去來今何道卑賤生所鍾但令塞上兒知我獨

爲雄

代昇天行

家世宅關輔勝帶宦王城備聞十帝事委曲兩都
情倦見物興衰驟覩俗屯平翩翩翻若一作類回掌恍

言終
惚似朝榮窮途悔短計晚志重一作愛長生從師入

遠嶽結友事仙靈五圖一作芝發金記九籥隱丹經

風餐委松宿雲臥恣天行冠霞登綵閣解玉飲椒

庭甃遊越萬里少一作近別數千齡鳳臺無還駕簫

管有遺聲何時一作當與汝曹啄腐共吞腥

松柏篇 并序

余患腳上氣四十餘日知舊先借傅玄集以余
病劇遂見還開袞適見樂府詩龜鶴篇於危病
中見長逝詞惻然酸懷抱如此重病彌時不差

呼吸之喘舉目悲矣火藥間缺而擬之

松柏受命獨歷代長不衰人生浮且脆駘若晨風

悲東海迸逝川西山導落暉南廓一作郊悅籍短蒿

里收永歸諒無疇昔時百病起盡期志士惜牛刀

忍勉自療治傾家行藥事顛沛去迎醫徒備火石

苦奄至不得辭龜齡安可獲岱宗恨一作限已迫睿

聖不得留為善何所益捨此赤縣居就彼黃墟宅

永離九原親長與三辰隔屬纊生望盡闔棺世業

埋事痛存人心恨結亡者懷祖葬既云及壙遂亦

言終
卷之六
已開室族內外哭親踈同共哀外姻遠近至名列
通夜臺扶輿出殯宮低回戀庭室天地有盡期我
去無還日居者今已盡人事從此畢火歇烟旣沒
形銷聲亦滅鬼神來依我生人永辭訣大暮杳悠
悠長夜無時節鬱湮重冥下煩冤難具說安寢委
沈寔戀戀念平生事業有餘結刊述未及成資儲
無擔石兒女皆孩嬰一朝放捨去萬恨纏我情追
憶世上事束教已自拘明發靡怡愈久歸多憂虞
轍聞晨逕荒撤宴式酒濡知今暝日苦恨失爾時

娛遙遙遠民居獨埋深壤中墓前人跡滅冢上草
日豐空林響鳴蜩高松結悲風長寐無覺期誰知
逝者窮生存處交廣連榻舒華茵已沒一何苦楛
哉不容身昔日平居時晨夕對六親今日掩柰何
一見無諧因禮席有降殺三齡速過隙几筵就收
撤室宇改疇昔行女遊歸途仕子復王役家世本
平常獨有亾者劇時祀望歸來四節靜坐丘孝子
撫墳號父兮知來不欲還心依戀欲見絕無由煩
冤荒隴側肝心盡崩抽

代苦熱行

赤阪橫西阻火山赫南威身熱頭且痛鳥墜魂來
歸湯泉發雲潭焦烟起石圻一作磯日月有恒昏雨
露未嘗晞丹蛇踰百尺玄蜂盈十圍含沙射流影
吹蠱病一作痛行暉瘴氣晝薰體商露夜霑衣饑餒
莫下食晨禽不敢飛毒涇尚多死度瀘寧具腓生
軀蹈死地昌志登禍機戈船榮旣薄伏波賞亦微
爵輕君尚惜士重安可希

代朗月行

朗月出東山照我綺窓前窓中多佳人被服妖且
妖靚粧坐帳一作帷裏當戶弄清絃鬢奪衛女迅體
絕飛燕先爲君歌一曲當作朗月篇酒至顏自解
聲和心亦宣千金何足重所存意氣間

代堂上歌行

四坐且莫一作勿誼聽我堂上歌昔仕京洛時高門
臨長河出入重宮裏結友曹與何車馬相馳逐賓
朋好容華陽春孟春月朝光散流霞輕步逐芳風
言笑弄丹葩暉暉朱顏醜紛紛織女梭蒲堂皆美

人目成對湘娥雖謝侍君閑明粧帶綺羅箏笛更
彈吹高唱好相和萬曲不關心一作一曲動情多情
欲知情厚薄更聽此聲過

代結客少年場行

驄馬金絡頭錦帶佩吳鉤失意杯酒間白刃起相
讐追兵一旦至負劍遠行遊去鄉三十載復得還
舊丘升高臨四關表裏望皇州九塗一作衢平若水
雙闕似雲浮扶宮羅將相夾道列王侯日中市朝
滿車馬若川流擊鍾陳鼎食方駕自相求今我獨

何爲埽壤懷百憂

扶風歌

昨辭金華殿今次鴈門縣寢臥握秦戈棲息抱越
箭忍悲別親知行泣隨征傳寒烟空徘徊朝日乍
舒卷

代少年時至衰老行

已下五首
樂府不載

憶昔少年時馳逐好名晨結友多貴門出入富兒
鄰綺羅艷華風車馬自揚塵歌唱青齊女彈箏燕
趙人好酒多芳氣餽味厭時新今日每相念此事

邈無因寄語後生子作樂當及春

代陽春登荆山行

旦登荆山頭崎嶇道難遊早行犯霜露苔滑不可
留極眺入雲表窮目盡帝州方都列萬室層城帶
高樓奕奕朱軒馳紛紛縞衣流日氛映山浦暄霧
逐風收花木亂平原桑柘盈一作綿平疇攀條弄紫
莖藉露折芳柔遇物雖成趣念者不解憂且共傾
春酒長歌登山丘

代貧賤愁苦行

湮沒雖死悲貧苦卽生劇長歎至天曉愁苦窮日
夕盛顏當少歇鬢髮先老白親友四面絕朋知斷
三益空庭慙樹萱藥餌愧過客貧年忘日時黧顏
就人惜俄頃不相酬慙怩面已赤或以一金恨便
成百年隙心爲千條計事未見一獲運圯津塗塞
遂轉死溝洫以此窮百年不如還窀穸

代邊居行

少年遠京一作荆陽遙遙萬里行集作方陋巷絕人徑
茅屋摧山崗不覩車馬迹但見麋鹿場長松何落

落丘隴無復行邊地無高木蕭蕭多白楊盛年日
月盡一去萬恨長悠悠世中人爭此錐刀忙不憶
貧賤時富貴輒相忘紛紛徒滿目何關慨予傷不
如一畝中高會挹清漿遇樂便作樂莫使候朝光
代邽街行一作去邪行
竚立出門衢遙望轉蓬飛蓬去舊根在連翩逝不
歸念我捨鄉俗親好义乖違慷慨懷長想惆悵戀
音徽人生隨事變遷化焉可祈百年難必果千慮
易盈虧

簫史曲

樂府作鮑照藝文作張華然此詩詞格不類晉人當以樂府爲正

簫史愛長

一作少

年羸女委童顏火粒願排棄霞霧

好登攀龍飛逸

一作竟

天路鳳起出秦關身去長不

返簫聲時往還

王昭君

咽
既事轉蓬遠心隨鴈路絕霜鞞旦夕驚邊笳中夜

吳歌三首

夏口樊城岸曹公却月戍但觀流水還識是儂流

下

夏口樊城岸曹公却月樓觀見流水還識是儂淚
流

人言荆江狹荆江定自闊五兩了無聞風聲那得
達

採菱歌七首

南
驚舸馳桂蒲息棹偃椒潭簫弄沈湘北菱歌清漢

弭榜牽蕙荑停唱紉薰若含傷拾泉花榮念採雲

萼

睽闊逢暄新悽怨值妖華秋心不可盪樂府作殊不那春

思亂如麻

要艷雙嶼裏望美兩洲間裊裊風出浦容容樂府作沈

沈日向山

烟曠越嶂深箭迅楚江急空抱琴中樂府作心悲徒望

近關樂府作弦開泣

緘歎凌珠淵收慨上金堤春芳行歇落是人方未
齊

言終
卷之六
思今懷近憶望古懷遠識懷古復懷今長懷無終
極

幽蘭五首

還
傾輝引暮色孤景留思顏梅歇春欲罷期渡往不

簾委蘭蕙露帳含桃李風攬帶昔何道坐令芳節

終

結珮徒分明抱梁輒乖忤華落知不終空愁坐相
誤

眇眇蛸挂網漠漠蠶弄絲空慙不自信怯與君畫

一作期

陳國鄭東門古今共所知長袖暫徘徊駟馬停路
岐

中興歌十首

千冬遲

一作逢

一春萬夜視朝日生平值中興歡起

百憂畢

中興太平運化清四海樂祥景照玉臺紫烟遊鳳

閣

碧樓含夜月紫殿爭朝光綵池散蘭麝風起自生
芳典太平數少前四載樂無景照正臺然四載
白日照前窓玲瓏綺羅中美人掩輕扇含思歌春
風令數卷一春詩文頗博百五十箇中與列
三五容色滿四五妙華歇已輸春日歡分隨秋光
沒
北出湖邊戲前還苑中遊飛縠繞長松馳管逐波
流

九月秋水清三月春花滋千金逐良日皆競中興

時

窮泰已有分壽夭復屬天既見中興樂莫持憂自
煎

襄陽是小地壽陽非帝城今日中興樂遙冶在上

京

梅花一時艷竹葉千年色願君松柏心採照無窮
極

代白紵舞歌詞四首

并序○以下七言

侍郎臣鮑照啟被教作白紵舞歌詞謹竭庸陋

裁爲四曲附啟上呈識方泐悴思塗猥局言旣
無雅聲未能文不足以宣贊聖旨抽拔妙實謹
遣簡餘慙隨悚盈謹啟詞曰

吳刀楚製爲佩褱織羅霧縠垂羽衣含商咀徵歌

露晞珠履一作履颯沓紈袖飛淒風夏起素雲回車

怠馬煩客忘歸蘭膏明燭承夜輝興樂鼓台

桂宮栢寢擬天居朱爵文窓韜綺䟽象床瑤席鎮

犀渠雕屏匝匝組帷一作帳舒秦箏趙瑟挾笙等垂

璫散珮盈玉除停觴不御欲誰須

三星參差露霑濕絃悲管清月將入寒光蕭條候

蟲急荆王流歎楚妃泣紅顏難長時易戢凝華結

藻一作綵久延立非君之故豈安集

池中赤鯉庖所捐琴高乘去騰一作飛上天命逢福

世丁溢恩一作福簪金藉綺升曲筵恩厚德

深一作君委如山潔誠洗志期暮年烏白馬角寧

足言

代白紵曲二首

朱脣動素腕一作袖舉洛陽少童一作年邯鄲女古稱

詩經 卷之六
淶水今白紵催絃急管爲君舞窮秋九月荷葉黃
北風驅鴈天雨霜夜長酒多樂未央

春風澹蕩俠思多天色淨淥氣妍和含桃紅萼蘭
紫芽朝日灼爍發園華卷幌結帷羅玉筵齊謳秦
吹盧女絃千金顧笑買芳年

代鳴雁行

邕邕鳴雁鳴始旦齊行命侶入雲漢中夜相失羣
離亂留連徘徊不忍散憔悴容儀君不知辛苦風
霜亦何爲

擬行路難十八首

以下
雜言

奉君金卮之美酒

一作
瑁

玉匣之雕琴七綵芙

蓉之羽帳九華蒲萄之錦衾紅顏零落歲將暮寒
光宛轉時欲沈願君裁悲且減思聽我抵節行路
吟不見栢梁銅雀上寧聞古時清吹音

洛陽名工鑄爲金博山千斲復萬鏤上刻秦女携
手仙承君清夜之歡娛列置幃裏明燭前外發龍
鱗之丹綵內含麝芬之紫烟如今君心一朝異對
此長歎終百年

璇閨玉墀上椒閣文窻繡戶垂羅幕中有一人字
金蘭被服織羅采芳藿春燕參差風散梅開幃對
景弄春爵含歌攬涕恒抱愁玉臺作不能言人生幾時得
爲樂寧作野中之雙鳧不願雲間之別鶴

瀉水置平地各自東西南北流人生亦有命安能
行歎復坐愁酌酒以自寬舉杯斷絕歌路難心非
木石豈無感吞聲躑躅不敢言

君不見河邊草冬時枯死春滿道君不見城上日

今暝沒盡一作去明朝復更出今我何時當得然

一去永滅入黃泉人生苦多歡樂少意氣敷腴在
盛年且願得志數相就牀頭恒有沽酒錢功名竹
帛非我事存亡貴賤付皇天

對案不能食拔劍擊柱長歎息丈夫生世會幾時
安能蹠蹀垂羽翼棄置罷官去還家自休息朝出
與親辭暮還在親側弄兒牀前戲看婦機中織自
古聖賢盡貧賤何況我輩孤且直

愁思忽而至跨馬出北門舉頭四顧望但見松柏
園荆棘鬱蹲蹲集作樽樽中有一鳥名杜鵑言是古時

蜀帝魂聲音哀苦鳴不息羽毛憔悴似人髣飛走

樹間啄集作逐蟲蟻豈憶往日天子尊念此死生變

化非常理中心惻愴不能言

中庭五株桃一株先作花陽春妖冶二三月從風

簸蕩落西家西家思婦見悲惋零淚霑衣撫心歎

初送我君出戶時何言淹留節迴換牀席生塵明

鏡垢纖腰瘦削髮蓬亂人生不得恒稱意惆悵徒

倚至夜半

剝藥染黃絲黃絲歷亂不可治我昔與君始相值

爾時自謂可君意結帶與君言死生好惡不相置

一作結帶與君同死今朝見我顏色衰意中索寞

生好惡不擬相棄置與先異還君金一作玉釵玳瑁簪不忍見之一作

錯漠此益愁思

君不見薜蘿不終朝須臾奄冉零落銷盛年妖艷

浮華輩不久亦當詣塚頭一去無還期千秋萬歲

無音詞孤魂煢煢空隴間獨魄徘徊遶墳基但聞

風聲野鳥吟豈憶平生盛年時為此令人多悲悵

君當縱意自熙怡

君不見枯籜走階庭何時復青著故莖君不見亡
靈蒙享祀何時傾杯竭壺罌君當見此起憂思寧
及得與時人爭人生倏忽如絕電華年盛德幾時
見但令縱意存高尚旨酒嘉肴相胥讌持此從朝
竟夕暮差得亡憂消愁怖胡爲惆悵不能已難盡
此曲令君忤

今年陽初花滿林明年冬末雪盈岑推移代謝紛
交轉我君邊戍獨稽沈執袂分別已三載邇來寂
淹無分音朝悲慘慘遂成滴暮思遶遶最傷心膏
沐芳餘久不御蓬首亂髮不設簪徒飛輕埃舞空
帷粉筐黛器靡復遺自生留世苦不幸心中惕惕
恒懷悲

春禽喈喈旦暮鳴最傷君子憂思情我初辭家從
軍僑榮志溢氣干雲霄流浪漸冉經三齡忽有白
髮素髭生今暮臨水拔已盡明日對鏡復已盈但
恐羈死爲鬼客客思寄滅生空精每懷舊鄉野念
我舊人多悲聲忽見過客問何我寧知我家在南
城答云我曾居君鄉知君遊宦在此城我行離邑

已萬里今方羈役去遠征來時聞君婦閨中孀居
獨宿有貞名亦云悲朝泣閑房又聞暮思淚霑裳
形容憔悴非昔悅蓬鬢衰顏不復粧見此令人有
餘悲當願君懷不慙忘

君不見少壯從軍去白首流離不得還故鄉窅窅
日夜隔音塵斷絕阻河關朔風蕭條白雲飛胡笳
哀極邊氣寒聽此愁人兮奈何登山遠望得留顏
將死胡馬跡能見妻子難男兒生世轆軻欲何道
綿憂摧抑起長歎

君不見栢梁臺今日丘墟生草萊君不見阿房宮
寒雲澤雉栖其中歌妓舞女今誰在高墳纍纍滿
山隅長袖紛紛徒競世非我昔時千金軀隨酒逐
樂任意去莫令含歎下黃壚

君不見冰上霜表裏陰且寒雖蒙朝日照信得幾
時安民生故如此誰令摧折強相看年去年來自
如削白髮零落不勝冠

君不見春鳥初至時百草含青俱作花寒風蕭索
一旦至竟得幾時保光華日月流邁不相饒令我

愁思怨恨多

諸君莫歎貧富貴不由人丈夫四十彊而仕余當
二十弱冠辰莫言草木委冬雪會應蘇息遇陽春
對酒敘長篇窮途運命委皇天但願樽中九醞滿
莫惜牀頭百個錢直得一作須優游卒一歲何勞辛
苦事百年

梅花落

中庭雜樹多偏爲梅咨嗟問君何獨然念其霜中
能作花露中能作實搖蕩春風媚春日念爾零落

逐寒風徒有霜華無霜質

代淮南王

玉臺分朱城以
下別作一首

淮南王好長生服食鍊氣讀仙經琉璃作盃牙作
盤金鼎玉七合神丹合神丹戲紫房紫房綵女弄
明璫鸞歌鳳舞斷君腸朱城九門一作朱門九閨
願逐明月入君懷入君懷結君佩怨君恨君恃君
愛築城思堅劍思利同盛同衰莫相棄

代雉朝飛

雉朝飛振羽翼專場挾雌

一作兩

恃彊力媒已驚翳

又逼蒿間潛穀盧矢直列繡頸碎錦臆絕命君前
無怨色握君手執杯酒意氣相傾死何有

代北風涼行

北風涼雨雪雱京洛女兒多妍粧
遙艷帷中自悲傷沈吟不語若有一作忘問君何行何當歸苦使
妾坐自傷悲慮年至慮顏衰情易復恨難追

代空城雀

雀乳四穀空城之阿朝食一作拾野粟夕飲冰河高
飛畏鴟鳶下飛畏網羅辛傷伊何言怵迫良已多

誠不及青鳥遠食玉山禾猶勝吳宮燕無罪得焚
窠賦命有厚薄長歎欲何如

代夜坐吟

冬夜沈沈夜坐吟含聲未發已知心
霜入幕風度林朱燈滅朱顏尋體君歌逐君音不貴聲貴意深

代春日行

三言

獻歲發吾將行春山茂春日明園中鳥多嘉聲梅
始發桃一作柳始青汎舟艫齊擢驚奏採菱歌鹿鳴
微風起波微生絃亦發酒亦傾入蓮池折桂枝芳

袖動芬葉披兩相思兩不知

詩紀卷之五十終

